

# *TŠENOLO EA JESU KRESTE*

 Ke u leboha, haholo, Moena Neville.

Le ka lula fatše.

<sup>2</sup> Ke a lumela ho boletsoe, ha thoe, “Ka thaba ha ba itse ho ’na, ‘Ha re eeng ka tlung ea Morena.’”

<sup>3</sup> Joale, re masoabi haholo ha re hloka sebaka, kapa sebaka sa ho lula, sa bohole ba leng teng, ’me koana ba ka eketseha tsamaong ea veke e tlang, batho ba kenang, ba utloelang ka kopano.

<sup>4</sup> Empa morero oa nako e ikhethang ena ebile hore re tle re khone... Moea o Halalelang o beile temoso ena ea kholiseho pelōng ea ka, e reng, “Kereke letsatsing lena e tlamèha ho fumana Molaetsa ona.” Hobane, ke lumela e le e meng ea Melaetsa e tsoileng ka mahetla ea Bibebe, hobane o senola Kreste ka har’ a Kereke ea Hae nakong ena.

<sup>5</sup> Ebile, ha ho mang ea ka ruang tumelo kapa ho tseba seo ba se etsang, kapa moo ba habileng teng, ba se na nthoana, ntho eo ba theang mehopolo ea bona le tumelo holim’ a eona. Ka baka leo, haeba Lengolo le re senoletse Kreste matsatsing ana a qetelo, le maemo a nako, ho tla re thusa ho—ho Le hlahloba le ho fumana moo re leng teng.

<sup>6</sup> Joale, re—re masoabi ha kereke ea rōna e se kholoanyane, re tsepile ho e fumana tsatsi le leng.

<sup>7</sup> ’Me matsatsing a mane ana a fetileng, haholo, ho lekola karolo ea nalane ea e—ea Buka ea Tšenolo, ke khahlane le tseo ke sa li hopolang li hlile li etsahetse. Ka ba ka fihleloa ke e—e maikutlo ao a reng, ka mora *Mengoaha E Supileng Ea Kereke* ena, ke se ke fetile mono, ke rata ho tšoara letoto le leng la mokhalo oo ho nyolla “e—e Kereke ea ’nete le kereke ea bohata,” ‘moho, le ho haola feela nalaneng le Lengolong. Mokana nkile ka kakatlela, therò, ho tšoarana le “Morara oa ’nete le morara oa bohata,” e fumanoa ka har’ a Bibebe. ’Me re a . . .

<sup>8</sup> Re tla leka ho fumana litulo tse ’maloa, ke sa hopotse ka batho ba lekang ho lula. ’Me re tla fumana, ho leka ho fumana, litulo tse ling, ho leka ho tlatsa liphaposi ka morao ka mona, le ka ntle, le tse ling ka mathoko, re tle re lulise batho ba ’maloa hape khabareng ea litšebeletso.

<sup>9</sup> Joale, lebakeng lena, ke rata ho kopa e mong le e mong a hlile a tsotella lintho tsena, ho tla—tla nako le nako ha re ea—ea hhalosa Sena. Nke ke ka ipelesa, kapa na ke ile ka inahanelā . . . [Sekheo lebanteng—Mong.] . . . ho ipelesa ho . . . [Sekheo lebanteng.] . . . Buka e kholo ena ea Tšenolo ea . . . [Sekheo lebanteng.] . . . Mengoaha e Supileng ea Kereke. Ke mpa

ke itsetlehole ho Molimo ka ho shoelella, ho—ho ntšenolela eona ke sa e atamela.

<sup>10</sup> Nalane ea tlhaho, e leng ea... e qotsitsoeng ho boranalane bao ke ba tsebang ba tsoileng ka mahetla. Ka har'a phaposi ea ka ea ho balla ho robetse, hona joale, lihlakisetso tse ka bang hlano kapa tšeleta, ea Hislop *Libabilona Tse Peli, Buka Ea Bashoelatumelo Ea Foxe*, le libuka tse ling tse kholo; tse kang Lekhotla la Pele ho Nicene, libuka tse ka bang 'ne malebana le hono, maqephe a ka bang makholo a mane bukeng ka 'ngoe. 'Me mono Lekhotla la Nicene, le nalane eohle eo re ka e khonang. Hobane, ka mora sena, ho tsoa khatisong ea makenete, re tlil'o ngola tlhakisetso ka Mengoaha e Supileng ea Kereke, ho romelloa lefatše lohle, ha re khona, hobane re matsatsing a qetelo. Re nakong ea qetelo.

<sup>11</sup> Pelō ea ka ha eso bonesetsoe hakana haesale ho—ho fihlela likhetho tsa ho qetela, 'me eaba ke bona moo re leng teng. Ebile Moea o Halalelang o qala a ntšenolela, ho—ho lemosa batho, le ho beha sena. 'Me nka sitoa ka—ka kerekeng e kang ena, ka tšoanelo. 'Me hape ha nka lula fatše ka ngola buka feela... Ke utloa hore ha nka ea sefaleng, 'me tšusumetso ea Moea o Halalelang e har'a Bakreste e theohela holim'a ka, ho nthusa, nka fuoa bokhoni bo fetisang ho ngola buka he, hoba ke e fallise ho tloha teiping, hoba re tla fumana tšusumetso ea eona mono. Libuka, ehlile, li tla otolloa ho se ho kae, hobane, ka mona, re kenya lintho tseo re neng re ke ke ra li kenya bukeng. 'Me ebe re... 'Me re qeta nako e ngata re ntse re ipheta, kapa ke etsa joalo. 'Me ebile, ka bukeng, ntho eohle e tla be e otlolotsoe. Empa re tla leka ho e fumana eohle, boholo boo re ka bo khonang, liteiping.

<sup>12</sup> Joale, liteipi, bosiu ka bong, lingoloa le lintho tse joalo, bashanyana ba tla be ba li tšoere ka ntle feela ho mohaho mane.

<sup>13</sup> Joale, mohlomong nke ke ka khona bosiu ka bong, kamoo re itjarisitseng ho leka tlrtlisong ea Molimo, ho—ho hlahisa Melaetsa e supileng ena ea kereke, kapa Mengoaha e Supileng ea Kereke, masiung a supileng; ho sebelisetsa bosiu ka bong, ho mongoaha. Joaloka, Mantaha bosiu, Efese; Labobeli bosiu, Smirna; Laboraro bosiu, Pergame; Labone bosiu, Thiatire; Labohlano bosiu, Sarda; 'me Moqebelo bosiu, Filalelfia; 'me Sontaha hoseng le Sontaha bosiu, oa Laodisea, mongoaha oa kereke eo re phelang ho eona. Ho balolla nalane ea kereke ea tšimoloho, le bo—le bangoli le boranalane, le mangeloi a mongoaha oo, le—le melaetsa, le tsamaiso ea kereke, ha e haola joalo ho fihlela nako ena.

<sup>14</sup> 'Me ho a hlolla ho bona kamoo bolepi ka bong ba Lengolo leo bo ngomelanang le nalane ka tsepamo, hantle feela, ho fihla mohopolong oa eona. Ebile ea ntlholla haholo, ho fihlela, maobane, ke balile ea ka mahlo a ka a tla ruruha. 'Me eaba ke

tsoa ke re ho mohatsa ka, "Ha ke eso lore e ka ba joalo." Ua bona? E ne e phahamile hakakang!

<sup>15</sup> 'Me joale, nako e 'ngoe, nka tšoha ke sa o qete oohle bosiusung bo le bong, kereke, molaetsa ho kereke. 'Me ha ke sa o qetelle, ka bosiu, e tla ba hoseng ho latelang ka hora ea leshome. Ho tla tsebisoa bosiu ka bong, ho bao ba batlang ho tla le ho o mamela kaofela, hoba re tla ea, leka, ho o kenya teiping. Ke tla tšoara litšebeletso ho qala ka hora ea leshome, hoseng, ho fihlela motšeħare, letsatsing, ho leka ho o ntša, molaetsa oohle, hoba ba ka o tšoara ka teipi. E seng...

<sup>16</sup> Re tsebisitse litšebeletso tsa pholiso li ke tsa ba teng, hobane re leka ho ipea tlas'a polelo ea boporofeta ba Bibele. Hape, re bile le tšebeletso ea pholiso nakoana e fetileng mona. Hape ka mor'a litšebeletso tsena, re tla boela re tšoara litšebeletso tsa pholiso morao sebakeng.

<sup>17</sup> Empa joale ke—ke batla ho hlakisa sena hantle, mang le mang a tle a hopole, hore joale, ka mona, o ka 'na oa hlaba oa rutla, oa re tsukutla bohle haholo. Empa ke jere boikarabelo, ha se ka—ka morero ofe haese therø ea Lentsoe. Hono, ke phetho. Feela... empa, ke ho tiisetra Lentsoeng hantle. 'Me hangata o ka khona, mengoaheng ena ea kereke, o ka khantša bolumeli ba motho. 'Me ha o etsa joalo, ha o a lekanyetsoa ho khohlalaha. Ke—ke ho pheta feela se builoeng ke Lengolo, le tšenolo ea Lona eo ke e fupereng. 'Me ha u nkhopola ke e fositse, se nkoetlele letho, nthapelle ho Molimo ho mpontša se lokileng, hoba ruri ke batla ho loka.

<sup>18</sup> 'Me ntho e 'ngoe, ka ho lemoha boikarabelo ba ka, ka har'a—har'a kopano ea mokhalo oona, ka ho ruta batho, Moea o Halalelang o tla ntjarisa boikarabelo ba mantsoe ao ke a buang sefaleng sena. Ka hona na le bona mahlonoko ao re a aparang ho atamela taba ena. Joale, ba rōna...

<sup>19</sup> Sena nka be ke se tšoaretse ka ntle tulong e itseng. Empa, erekaha e le thuto, ka har'a ea rōna... Ka ntle koana litšebeletsong tsa boevangeli, e mong le e mong oa rōna o fupile mohopolu kapa—kapa temoho, kapa mokana ho etsahetse mongoaheng, 'me re na le likereke tsa rōna, le seo likereke tsa rōna li re rutileng sona, le seo re se lumelang. Re... Ha ke rate ho kena kerekeng ea mang, kapa har'a batho joalo, le ho bua khahlano le seo batho ba se rutiloeng. Hoba, holim'a tsohle, ke lekile ho hlakisa lipolelo tsa ka hore e...

<sup>20</sup> Motho ha e le Mokatolike, 'me a tšepile Kereke ea Katolike ho mo pholosa, o lahlehile. E le Mobaptise, a tšepetse Kerekeng ea Baptise, o lahlehile. Kapa Mopentekosta, a tšepile Kereke ea Pentekosta ho mo pholosa, o lahlehile. Empa, kereke efe feela! Empa ekare ha motho eo a theile tumelo e shoeletseng holim'a mesebetsi e phethiloeng ea Kreste mane Kalvari, o bolokehile,

ha ke tsotelle na ke setho sa kereke efe. Hobane, “Le bolokehile ka tumelo, ka mohau.”

<sup>21</sup> Joale, ka nako tse ling, ho etsa tjena, ke ee ke nahane, ka mona ka moahong oa rōna o monyenyan oo re o qalileng lilemo tse ngata tse fetileng, ka qujooana ea liboloko tsa khale tsa konkreiti le lintho, ’me ho rōna e batla e le setša se khetheleng. Ha re batle, ha re batle hoo bona o fetotsoe, ka mokhoa o itseng, hoba mona ke hona moo Molimo o qalileng ho kopana le rōna, mohlang oo re eso o ale mokato. Empa joale o—o fihlile moo o khathalang, ’me re lenaneong la kaho—kaho mona, ho tlatsa setša sena ka kereke mona.

<sup>22</sup> Joale, ho fihlela mohlang oo, kea utloa hore mohla ke khutlang masimong, moo ke sa tl'o khopisa baena le, kapa, melaetsa le lintho tse joalo, hoo ho mpha tokelo ho hhalosa mohopoloo oa ka, ho tsoa—ho tsoa nthong ea ka... ho tsoa sefaleneng mona. ’Me haeba u re, “Ke batla ke rutiloe ka ho fapano.” Ke ne ke tla... ’Me hape, tabeng ena, re mema mang ea batlang ho tla. Ua bona? Ha ho motho ea e tšehtsang ka matlole, kapa le letho. Ke tabernakele mona. ’Me mang le mang ea batlang ho tla, o amohetsoe feela ho tla. Tloo hantle feela. Ka hona ke u mema ho tla le Bibebe ea hao, kopanong ka ’ngoe, ’me u tle le potloloto le pampiri.

<sup>23</sup> ’Me joale, har'a litlhakisetso tsohle le lilo, ke ne ke sa tlo tla le libuka tsohle. Ka hona ke ngotse feela, ho ngola fatše, nako ka ’ngoe, holim'a pampiri mona, lintlhana tse tsoang nalaneng le litlhakisetsong, le joalo, ke tle ke khone feela ho e bala ho tsoa e—e lintlheng mona, sebakeng sa buka ’me ke phetla maqephe. Leha ho le joalo, ha ho fihloa Lengolong, re tla sebelisa Bibebe. ’Me hape tlhakisetsong, ke tla hhalosa; kapa nalaneng, na e builoe ke ranalane ofe, le joalo. Ebe ka har'a... Hoba, lebakeng la buka e tla letela, khele, re ka e tlanya kaofela ha eona nakong eo, ’me ra lokisa ntho eohle hantle.

<sup>24</sup> Joale, re tla etsa sohle se khonahalang ho qala hoseng le ho tsoa ka nako eo re ka e khonang. Li qeta matsatsi a robeli, likopano, Sontaha ho haola ka Sontaha.

<sup>25</sup> Ke qala hoseng hona ka khaolo ea 1 ea Tšenolo, ea Buka ea Litšenolo. ’Me Litšenolo li hlopholotsoe likarolo tse tharo. ’Me matsatsing ana a robeli re tla be re tšoarane le likhaolo tsa pele tse tharo. Athe, mongoaha oa kereke e le ’ngoe o ka re qosa khoeli. Empa re tla lokela ho takat mabala-a-nkoe feela, kamoo re ka buang. Ere ha le fumana buka, e tla be e ngotsoe, e qapolisa ho feta.

<sup>26</sup> Joale, Litšenolo, likholo tsa pele tse tharo, li amana le Kereke, ebe Kereke e a nyamela. Ha re sa E bona ho fihlela nako ea bofelo. Ho qala ho Tšenolo 1 ho fihlisa ho 3, ke Kereke; Tšenolo 4 ho fihlisa ho 19, ke Iseraele, sechaba; ’me 19 ho fihlisa ho 22, ke bobeli, boo ’moho. ’Me likotsi le likhalemo, le tse joalo, li

pheletsong! E hlropholotsoe likarolo tse tharo. Ua bona? 'Me re nkana le likhaolo tse tharo tsa pele, tse lebahanang le Kereke, le mongoaha oa kereke eo re phelang ho eona.

<sup>27</sup> Joale, pele, eka bonahala e omme kaha re tlamèha ho khutla ho bea motheo. Ke rapetse ka bala, ka etsa sohle seo ke se khonneng, ho leka ho—ho fumana maikutlo a Moea o Halalelang, nqalo ea ho bea taba ena, batho ba tle ba e bone, 'me le tle le khone, ka ho e bona, le bonesetsoe le huleloe haufi le Kreste, hoba re nakong ea qetelo.

<sup>28</sup> 'Me ha se le ho babatseha, ha ke ntse ke hlalloba nalane, ho fumana kamoo kereke e simolotseng, le ho ritsa ha eona e ikhula, le se hlahleng, le ho bona Peō e nyenyane eo ea Molimo e haola ho mongoaha ka mong oa eo; ho falatsoa ka botlalo, ea batla joalo, tulong e 'ngoe.

<sup>29</sup> Joale, hosane bosiu, re tla qala, 'me re hlome e—re hlome e—e chate mona; e seng chate, empa tlapantšo, hoba ke batla ho e ruta ho tsoa tlapantšong. Ke lumela mosuoe oa sekolo sa Sontaha, e mong oa bona, o na le tlapantšo. Ke le bona ka morao. Ke tla re mohlokomeli a le tlise, a le hlome mona ka pele, ke tle ke ruta ho tsoa tlapantšong eo, 'me le e ngole ho kholiseha. 'Me le ka e rala pampiring ea lona, le joalo, la e qhautsa haufi kamoo re ka e tlisang.

<sup>30</sup> Empa ke batla ho bua sena feela pele ho qaloa. Ho bona tšimoloho ea mongoaha oa kereke; le ho bona kamoo baapostola, lithuto, le lintho tseo ba li rutileng, le litaelo tsa Bibele. Le ho bona kereke eo, ha re re lekhetlong la bobeli ba baapostola, kamoo E qalileng ea nyamela; thuto ea sebele, ea makhonthe. Lekhetlong la boraro, ea ritsetsa hole koana. Lekhetlong la bone, e nyametse ea kena e—e bofofong. Kereke ea hlahisa kereke e fofo.

<sup>31</sup> 'Me e ntoo ba Kereke e tletseng Moea! Etsoe, ke bua sena ka hlompho ea borapeli malebana le bolumeli ba motho mang. Ho tloha tšimolohong, ho fihlela, nakong ena, Kereke ea sebele, ea makhonthe, ebile Kereke ea pentekosta. Ka nepahalo. Esale Molimo o babaletse Kereke ena.

<sup>32</sup> Ke ipotsa khafetsa, mohla Jesu a ne a ntša tlhahiso ena, ho re, "Se tšabeng, mohlatsaona, ke thato ea Ntata lona e molemo ho le nea 'muso.' Esale ke ipotsa na seo se lekantse'ng, mpa ke a se utloisia joale.

<sup>33</sup> Re ne re tšoere kopano Shreveport veke e fetileng, Louisiana, kopano e kholohali ea moea eo nkileng ka e kenela, bophelong ba ka. Shreveport!

<sup>34</sup> Ke ne ke . . . e ne e le ha ke nkile matsatsi a 'maloa a phomolo, 'me ka theohela Kentucky le Moena Wood mona, e mong oa batikone ba kereke, kapa literaseti, ke rialo, ho tsoma. Ra kena merung.

<sup>35</sup> Ke ile ka thunya sehlora sa pele. 'Me ka re, "Ke tla ema feela," hoba eaba motho o feta ka lintja tse 'maloa. Eaba ke re, "Ke tla ema ho fihlela lihlora li tsoa mesimeng. Li balehetse holimo lifateng, li kene mesimeng, 'me li ipatile joale." Ka re, "Etlare ha li tsoa . . . Ke tla lula mona 'me ke eme." Hobane, ho a bata ho hoamme, le litsebe li a chesa. 'Me, le a tseba, e-e meea e hlabang e hlaha likhohlong. Ka re, "Ke tla ema ho fihlela lihlora li tsoa hape."

<sup>36</sup> Ke sa tsoa lula fatše feela, Moea o Halalelang oa re, "Ema, 'me u ee tulong eo u e reileng 'khohlo ea letšolo.' Ke tla buisana le uena teng."

<sup>37</sup> Eaba ke nyolohela tulong ena eo ke e reileng "khohlo ea letšolo." Hobane, lebaka leo ke reileng likhohlo tseo, ka bonna, ke tle ke tsebe na ke ho kae. "Khohlo ea letšolo," kahobane ba ile ba . . . Ke ne ke kene ka mono ka bona lihlora tse leshome le metso e tšeletseng li tsorame sefateng se le seng; ka thunya tse lekantsoeng, tse ling ka li siea mono, 'me ka ikela. 'Me leo ke lona letšolo, ke eona tšoanelo. Ka hona ka e rea, "khohlo ea letšolo."

<sup>38</sup> 'Me A lebisa ho 'na, "Tulo eo u e reileng 'khohlo ea letšolo.'" Ha se Eèna ea e reileng, empa ke 'na ea e reileng.

<sup>39</sup> Ka nyolohela hlorong ea khohlo ena ka lula tlas'a sefate sa eike e tšoeu, ka leta bohare ba hora, 'me ha ho a etsahala letho. Ka paqama fatše, ka namalla mobung, ka otlolla matsoho a ka. Eaba O bua le 'na.

<sup>40</sup> 'Me ha A etsa, Mantsoe ao A ntšenoletseng oona, hona Lengolong lena leo re le atamelang hoseng hona, ke eso e bone pele, bophelong ba ka bohole.

<sup>41</sup> 'Me eitse ha ke fihla Shreveport, Louisiana; mosali e leng mosali ea nang le neo, lebitso la hae ke Mof. Shrader.

<sup>42</sup> Lilemo tse ngata tse fetileng, mohla Lengeloi la Morena le kopanang le 'na tlase mona nokeng, khetlo la pele, 'me le ipontša ka Leseli leo, le Mantsoe ao Le a buileng mono; lilemo tse leshome le motso o le mong hamorao, eitse ha ke kena kopanong, mosali e monyenyan enoa a ema a bua ka lipuo a ba a fetolela. Keha e le se builoeng ke Lengeloi lentsoe ka lentsoe.

<sup>43</sup> 'Me eèna mosajana enoa, eitse ha ke kena tabernakeleng mono . . . kapa tulong eo re neng re le ho eona mono Shreveport, Tabernakelé ea Life, Moea o Halalelang oa tsamaea holim'a mosali eo oa bua seo A mpoleletseng sona lentsoe ka lentsoe hölimō mono leralleng. Eaba Moea o qala o tsamaea o fetolela, ho lepa lintho ka tšenolo, ka boporfeta, lintho tse tla hlaha kopanong ea bosiu bo latelang, 'me ha eso hlollehe le ka mohla.

<sup>44</sup> Pele ho moo, ha ema mosajana ka har'a kopano, ha tla mosali oa Mobaptise a sa tsebe seo a ka se etsang. 'Me a eme ka har'a seboka eaba Moea o Halalelang o theohela holim'a hae, 'me a qala a bua ka lipuo, mosali oa Mobaptise ea tsoang Kerekeng ea

First Baptist ea Shreveport. 'Me a sa tseba seo a sa tsoa se etsa. 'Me eaba, le pele a ka bua letho, Moea o Halalelang koahlolla, ha thoe, "HO RIALO MORENA, 'Likhueli li tharo, ho ntano fihla Moea oa Moshe, Elia, le Kreste, o sebetsang ka har'a tabernakele ena.'" Mono ea etsahala, ka ho phethahala.

<sup>45</sup> Monna oa Mobaptise ea tsoang Meridian, Mississippi, a qala a bea letsoho la hae holim'a sehatsetsi sa hae, ho ntša ntho sehatsetsing, 'me Moea oa Molimo oa theohela holim'a hae. 'Me a bua ka lipuo, a sa tsebe seo a se etsang. 'Me le pele a fumana . . . a ka utloisia seo a se etsang, Moea o Halalelang oa khutla o bua 'me ha thoe, "E-ea Shreveport, Louisiana. Mohlanka oa ka u tla o bolella u etse'ng na."

<sup>46</sup> 'Me a fihla mono, ho re, "Ha ke utloisise sena; ha eso e etsahale pele." Oh, khili!

Re phela matsatsing a qetelo pejana Morena a Khutla.

<sup>47</sup> Esale Kerekana eo e le paloana, eona ea penetekosta. Ha ke bue ka Mapentekosta ka malumeli. Ha ke bolele eona. Empa, batho ba ruileng boiphihlelo ba pentekosta! Pentekosta ha se mokhatlo. Pentekosta ke boiphihlelo bo etelang mang le mang ea ratang. Katolike, Mojode, Moproselite, Bametholise, Mabaptise, "Mang le mang ea ratang, a ke a tle." Ke boiphihlelo boo motho ka bomong. . . Molimo ha o sebetse ka bolumeli, le joalo ha O sebetse le Balichaba e le e—e morabe kapa batho. O sebetsa le ka bomong, "Mang le mang ea ratang." A ka ba mosoeu, motšo, mosehla, mosootho; Metholise, Baptise, Protestanta, Katolike. Sohle seo a ka bang sona, "A ke a tle," mang le mang. Ke thabetse ha A e rerile joalo. Ke . . .

<sup>48</sup> Mokana motho a kile a bua, "Ke Mo rata ha a rialo ho feta holane a bitsitse lebitso la ka, 'Ho ke ho tle William Branham,' hoba bo William Branham ba ka tšoha ba feta bongroe. Empa mohla A reng, 'Mang le mang,' kea tseba le 'na ke kenyelelitsoe."

Re ka ikutloa joalo le rōna bohole, "Mang le mang ea ratang, a ke a tle."

<sup>49</sup> Joale, kea tseba batho ba bangata ba letile ka ntle mona lihoteleng le limoteleng, ba tsoa lefatše bophara. Ua bona? Batho ba teng ba tsoang Ireland le libakeng tse fapaneng, ba emetse litaetso. Empa nke ke ka tšoarana le eona hona joale. Nako ea ka ke batla ho e nehela sena, le a utloisia.

<sup>50</sup> Mohla ke khutlang maetong ana, ka tloaelo ke khutla ho fumana—ho fumana motho ho mo rerela, hoba ba hlophisa litaetso. Empa hajoale re lokela ho li tlohela ka baka la Sena.

<sup>51</sup> Joale, ntho e le 'ngoe feela pele re qala ka Buka ena. Tšimolohong e ne e le Kereke ea Pentekosta. Kereke eo ea Pentekosta e tsioile e hoanta ka matla a Moea ea ngola Buka ea Liketso. Lekhetlo le latelang, ea qala ea qepha, kereke ea eba fofo. Mongoaheng oa kereke ea bobeli, kēha e hlile e le fofo,

empa Peō e nyanyane eo ea Pentekosta ea 'na ea haola, eona ea semoea. Eaba e kena tulong ea mengoaha e lefifi, ea lilemo tse ka etsang sekete le makholo a mane le ho hong, ea tlatlapo e lefifi. Mongoahanyana oo oa Pentekosta oa 'na oa phela oa phema hoo. Hore o phonyohile joang, le se ke la botsa 'na. E ne e le letsoho la Molimo, eona feela ntho e neng e ka phetha hoo.

<sup>52</sup> Hobane, ba ba thakhisitse fatše, lithupeng. 'Me ba tšoara banna ba ba totomele e—e kutung, ba tšoare lithakhisa tsa patsi ba li khokhothele meomong ea bona, ba ba tlohelle phoofolo, lintja, ho ba ja ka sekotlong, ho ba harola mala, le pele ba eshoa. Ho tšoara basali, ho libola matsoeua bona, ka sekere *joalo*, letsoele la bona le letona, le ho ema 'me ba tlohelle mali ao a phorosela joalo, ho fihlela bophelo ba bona bo phochoha ho bona. Ho honya masea ho bommè ba baimana ba a fepa lintja le likolobe, ba ntse ba ba talimile. Ba hloma e le Bokreste; empa Bibebe e boletse, 'me Jesu o itse, "Mohlang oo ba le bolaeang, ba tla hloma eka sebeletsa Molimo." Ua bona?

<sup>53</sup> 'Me joale ntho eo e khasitse ea theohela mongoaheng o mong. Eaba qetellong e a hlahella. Ebe re a elelloa mohla kereke e ne e tsoa e kena hlabollong. E 'nile ea ikhula ea ikhula, ho tloha mohlang oo, le ho furalla Moea, ho furalla Moea, hantle ho theohela mongoaheng ona oa ho qetela mohla e leng mothating oa ho iketsa setlama e bopa setšoantsö sa sebata.

<sup>54</sup> Empa Moea o monyenyanee oo o tla phela ka har'a lipelō tsa batho ho fihlela Jesu a fihla. O loketse joalo. Seo le se hopole kelellong.

<sup>55</sup> Re tla e taka limmapeng, ho nka nalane le sohle, ho le supisa joalo hantle. Ho le lumella ho nka nalane, ka bolona, 'me le ho e bala. Bonang seo Bibebe e se boletseng, e ntoo ba seo nalane e se buileng. Bonang e nyallana ka nepahalo hakana kang. Oh!

<sup>56</sup> Rōna bohole se nkeng se ka thupello, re mpe e nke ka ho shoèlrella, amohelang likhalemelo tsa Moea o Halalelang ka ho shoèlrella 'me le rapele, motšehare le bosiu. Le se lumelle letho ho le thibela ho rapela.

<sup>57</sup> Re a kena, e til'o epolla maphelo a banna ba baholo bao morao ka koo, kamoo 'ba ikentseng sehlabelo. Le tla bona na le sebelitse hanyenyane ha kae. Nako tse ling ke utloa ke itšoabel, kamoo re tlamehang ho nolofaletsoa sohle, athe bona ba thatafioletsoe ke tsohle. "Ba phaitse hohle," Pauluse o boletse ho Baheberu 11, "ka matlalo a linku le matlalo a lipōli, ho tujoa le ho hlokofatsoa, ba shōtile." Bopaki ba rōna bo tla ema joang maloka le joa bona? Bo tla ema joang maloka le hoo? 'Me re tlamèha ho nolofaletsoa sohle.

<sup>58</sup> Joale, ka hlonepho feela, pele re phetla Buka, ke rata ha rōna bohole, ba khonang, ho ema nakoana feela thapelong. Joale ka botšepehi ba pelō ea lona, bulula polelo ea thapelo bakeng sa . . . ho Molimo.

<sup>59</sup> Morena Molimo, Mohloli oa maholimo le lefatše, Moqali oa Bophelo Bosafeleng, le Moabi oa lineo tsohle tse molemo le tse phethehileng. Rea U kopa, Morena, pele, ho re tšoarela monyemō oohle oa rōna, le libe tsa rōna le litlolo tsa rōna khahlano le Uena, le e mong khahlano le e mong le bomphato ba rōna.

<sup>60</sup> Nakoana ena ea ho kopana 'moho e se be bakeng sa khahiso ea meea ea rōna feela, e mpe e be ho re khantšetsa hakana, le ho re susumetsa, hofihlela re ea bolella ba bang. E ke e be nako ea boineelo bocha, ho iteanya le 'Mele oohle oa Kreste le ho itokisetsa Hloibili.

<sup>61</sup> Ntate Molimo, ha se ka baka la maikutlo a ka, ka ho tseba hoba mohlanka oa Hao, le bahlanka ba bang bohle, ba haeloa mosebetsing o moholo ona. Ho elelloa kamoo banna ba baholo, ba mehleng, ba kileng ba leka ho senola Sena lipelōng tsa bona, kapa ho hlahisa puo mabapi le Tšenolo e kholo; ke moo re elelloang hobane, rōna re haeloa, le ho feta bona. Empa Uena u bokhoni ba rōna.

<sup>62</sup> 'Me kea rapela, Ntate oa Leholimong, U tle u etse ntho e ikhethang nakong ena, hore Moea o Halalelang o ithuele tulo tsa pele pelōng e 'ngoe le e 'ngoe. Bolotsa melomo e buang le litsebe tse utloang. 'Me hoba ho fele, 'me re ikhethela Uena, re ke re tlohe mathuleng a ntlu ena, re re, "Ho bile molemo ho rōna ho ba mono. Moea o Halalelang o buile le rōna re sa lutse mono. 'Me joale re ikemiselitse ho phethisa sohle ka bokhoni ba rōna Maseli a mantsiboea a sa chabile." Fana ka sena, Morena.

<sup>63</sup> Koana, mehleng ea likopano tsena, banna le basali ba itšoarelle, bocha. Ako hlahise ba buang ka lipuo, bafetoleli ba lipuo. U hlahise lineo tsa boporofeta. Hlahisa bareri, balisa, baboleli, le ba joalo, Kereke e tle e hahisoe. Hlahisa barongoa ho kena tšimong koo le ho isa Evangelie tlotlehang ena. Hohle moo Lentsoe le tla ea teng, Le ke le oele mobung o motle, ho bea halekholo, hoba re lumela re le pheletsong ea mongoaha. Bofelo bo haufi.

<sup>64</sup> Aba lintho tsena, Ntate. 'Me holim'a lintho tsohle, Morena, nakong ena, Uena u nthuse, 'na ea hlokang. Hoba ke e kopa, ke sa ineela ho Uena bakeng sa litšebeletso tsena, ka Lebitso la Jesu Kreste. Amen.

[Khaitseli o bua ka puo e sele. Moena o a koaholla—Mong.]

<sup>65</sup> Molimo o Matla, O tsositseng Jesu bafung, re thabetse ho tseba hoba Moea oa Hao o ahile har'a rōna. Kamehla O na le 'nete 'me lentsoe le se nang 'nete ha le fumanoe. 'Me joale, Ntate, omèla Lentsoe la Hao re sa bala, tlotlisong ea Hao. 'Me pelō e 'ngoe le e 'ngoe, joalekaha U boletse, "Itokiseng le itlhophise, hoba ntho e fèla e tla hlah." Ekaba batho ba tla khalengoa la ho qetela ho furalla lintho tseo ba li etsang joale, ho sokolohela tseleng ea ho loka. Re a U leboha, Molimo o Halalelang, ka Lebitso la Mora oa Hao, Morena Jesu. Amen.

<sup>66</sup> Ho phetla joale Bukeng ea Tšenolo, khaolo ea 1. Joale, pele, ke batla ho bala litemana tse tharo tsa pele tsa Tšenolo.

*Ke ena Tšenolo ea Jesu Kreste, eo a e neiloeng ke Molimo, ho bontša mohlanka oa hae litaba tse tšoanetseng ho hlaha kapele; a bileng a li tšoantsëtsa Johanne mohlanka oa hae ka lengelo:*

*Ea tiisitseng lentsoe la Molimo, a paka le tsa Jesu Kreste, e leng ho tsohle . . . e leng tsohle tseo a li boneng.*

*Ho lehlohonolo ea balang, le ba utloang litaba tsa boporofeta bona, ba bolokang tse ngoliloeng teng: hobane nako ea tsona e se e le haufi.*

<sup>67</sup> Joaleka ha ke se ke boletse pejana, joale, mona re tla leka ho qhaqholla Buka ena hanyenyane joale, ho latela nalane le lintho tse joalo. 'Me nako le nako ha le mpona ke lebisa maqepheng ao ke a ngotseng mona, ke lintho tseo ke li qotsitseng lihlakisetsong le linthong tse joalo.

<sup>68</sup> Joale, mongoli oa Buka ena ke Johanne, Mohalaleli Johanne ea khetheleng, o ngoletse moloko o tlang ho tla (A). (B) E lebisitsoe ho mangeloi a supileng a makhathe a supileng a ikhethang a mongoaha oa Bokreste, mongoaha o qalang litšiung tsa baapostola ho fihlisa ho Khutleng ha Morena. 'Me eona . . . joale, mongoaha e hlaha ka hlahlamano, o mong le o mong, ho qala nyolohelong ea Morena oa róna ho fihlisa ho Khutleng ha Hae hape. Mongoaha kereke o mong le o mong o hhalosoa ka maemo a ona a moea. (E) Mongoaha kereke o mong le o mong o ka icheba ka puo ea oona e Mangolong le ea semoea e buang le bona. E re Moea o sa bua, mongoaha o mong le o mong o ka icheba. Mongoaha ka mong o behile Morara oa 'nete oa Kreste, moroetsana ea Bohlale. 'Me mongoaha ka mong o behile morara o entetsoeng, moroetsana ea leoatla.

<sup>69</sup> Boranalane ba lumellana, ba re bona ke bophelo ba Johanne. Johanne o phetse lilemo tsa hae tsa ho qetela motseng oa Efese a ba a shoela teng. A le sehlekehlekeng sa Patmose, mehleng ea ho ngola Buka, Tšenolo. E ne e se pale ea bophelo ba hae, empa pale ea Kreste mengoaheng e tlang ho latèla. Ua bona? E ne e le boporofeta. E seng bophelo ba Johanne, ha se bophelo ba Kreste, empa ho porofeta mongoaha o tlang ho tla. E ne e se lipolelo tsa boporofeta ba hae; empa, likomèlo tsa Morena, ka ho shoèlella. E ne e se Tšenolo ea Mohalaleli Johanne ea khetheleng, empa ke Tšenolo ea Kreste Morena.

<sup>70</sup> Ke Buka ea ho qetela ea Testamente e Ncha, leha koana e bua ka qalo le qetèllo ea lekhathé la Evangel. Re fumana makoloane a Bibe a lumellana.

<sup>71</sup> Mangolo a lebisoang ho mengoaha e supileng ea kereke a ngotsoe, ka boporofeta, a amahana le mengoaha e tlang ho tla. Pauluse o ngotse ka bophelo le ka tlota ea likereke tse supileng letsatsing la hae. Johanne o ngotse ka bophelo le tlota ea

likereke tse supileng nakong e tlang, Johanne o ne a ngolla balisa ba supileng kapa baromuo a kamoo e lebisitsoeng ho Bakreste bohole ba leng tlas'a mangeloai a supileng ana a fapaneng.

<sup>72</sup> Joale, Buka ea Tšenolo, joale re tlil'o nka, re sa qhaqholla sena bakeng sa hoseng hona le mantsiboea ana. 'Me re tla leka ho qhalana ka bo hora ea leshome le motso o le mong le mashome a mararo ka morao ho leshome le motso o le mong, ntho e kang eo, le ho boela re qala hape bosiusa ka ea bosupa.

<sup>73</sup> Joale likahare tsa khaolo ena ea 1. Temana ea 1, e—e hlile e a Ipuella, hobane ke Tšenolo ea Jesu Kreste. Temana ea 2, Mohalaleli Johanne ea khetheleng ke mongoli le mohlanka. Temana ea 3, ho tlalehoa mahlohonolo. Temana ea 4 ho haola ka ea 6, ke tumeliso ho kereke. Temana ea 7, ke litsebiso. Temana ea 8, Bomolimo bo phahameng ba Jesu Kreste. Temana ea 9 ho fihla ho ea 20, pono ea Patmose.

<sup>74</sup> 'Me, hape, litemana tsa 14 le 15 li hlalosa tlotla ea Hae ea Bothō ba Hae bo lintlha li supileng. Oh, ho a babatseha ha re bona Kreste bothong ba Hae bo ntlha li supileng ba eèn—... boleng bo ntlha li supileng ba bothō ba Hae, tsohong ea Hae e tlotlehang.

<sup>75</sup> Joale, seholoho se hlalosa semèlo.

### *Tšenolo ea Jesu Kreste, . . .*

<sup>76</sup> Ha se tšenolo ea Mohalaleli Johanne ea khetheleng, empa Tšenolo ea Jesu Kreste, Mora Molimo.

<sup>77</sup> Joale, lentsoe la Segerike la *tšenolo* ke *apokalipse*, e bolelang "phuthöllo." 'Me ke ne ke tšoere lentsoe leo ke le fuputsa. Le bolela, apokalipse, ke ho . . . Joaleka 'metlatšoantšo, ea betlileng sefika se seholo, 'me a se khurumelitse ka lesira. Ebe o a tloha a tabole lesira lena a senole seo a se potelitseng ka mor'a lesira. Ke koahöollo.

<sup>78</sup> 'Me Buka ena ha se koahöollo, ha kaalo, ea Bothō ba Jesu Kreste. Leha koana, ehlile e bua ka Bomolimo ba Hae le ka bothō ba Hae bo ntlha li supileng, le ka lintho tseo A boetseng a le tsona, joaloka Moprista, Khosi, le joalo. Empa ke ho senola bokamoso ba mesebetsi ea Hae mengoaheng ea likereke tsa Hae tse supileng tse tla latèla. E . . .

<sup>79</sup> Mohla Morena oa rōna a na a le lefatšeng, barutuo ba kile ba 'Motso, ha thoe, "Moholo, na U re e se e le joale u tla tsosa 'Muso oa Iseraele?"

<sup>80</sup> 'Me Jesu a re, "Ha ho a le lokela ho tseba hora leha e le nako." 'Me ha ho ea tla tseba. Ha thoe, "Esita le Mora," le joale, "o ne a sa tsebe."

<sup>81</sup> Empa ka mora lefu la Hae, kèpèlo, le tsoho, le nyolohèlo Khanyeng, O neiloe bokamoso ba Kereke ke Molimo. A ntso khutla, ho tlisetsa Kereke Molaetsa oona, le Molaetsa oona oa

ho khutla ha Hae le maemo a likereke tsa Hae ho theoha le Mongoaha.

<sup>82</sup> A ke ke a etsa hoo pele ho lefu la Hae, këpèlo, le tsoho, hobane A ne a eso e tsebe. Empa na le lemohile Lengolo le baleha joang mona?

*Ke ena Tšenolo ea Jesu Kreste, eo a e neiloeng (Kreste)  
ke Molimo, . . .*

<sup>83</sup> Kamoo Molimo Ntate a neileng Jesu Kreste Mora oa Hae Tšenolo. 'Me A romela lengeloi la Hae ho Johanne, ho tšoantša lintho tsena tse neng li le teng; tse neng li le teng, tse leng teng, le tse tlang ho tla. Oh, e beiloe ka bokhabane!

<sup>84</sup> Joale, mongoaheng o moholo ona o tlang oo Johanne a o boneng! Joale, tsena, Tšenolo ena e ne e neoe eèna, ka ho tiea, ho koahölla morero oa Kreste o qoholehileng, seo A tlang ho ba sona le ho tšoana le sona, mongoaheng o mong le o mong. Ke ka hona ke boletseng, hoseng hona, ho tsepamisa kelello ea lona holim'a Kereke ea 'nete. Kereke ea 'nete e qalile ka Letsatsi la Pentekosta.

<sup>85</sup> Ha ho moithuti oa thutabomolimo, lekoloane la Bibele, kapa ranalane, ea ka e tlalehang e qalile matsatsing a Martin Luther, Wesley, mongoaheng oa Katolike, kapa mongoaheng ofe feela. E qalile Pentekosta. Eo e ne e le hlamatiso ea Kereke. Eo e ne e le qalo. Ka hona, ha ho le joalo, moqoqong le mang kapa mang, emang khorong eo ea Pentekosta, 'me ha ho moo ba ka eang teng.

<sup>86</sup> Ke mokana ha u hlahlèla moutloa tšimong. U tseba moo mokoti ka mong o leng teng, ka hona u o katile. O tla tlameha ho khutlela moo o keneng le teng.

<sup>87</sup> Be, ke eona tsela, mang le mang ea buang ka likereke le ka mengoaha ea kereke, le ka mesebetsi ea Moea o Halalelang, u tla lokela ho khutlela qalong, tšimolohong. E tlameha ho khutlela mono kaha Molimo e le mohloka-phelètso, 'me O matlaohle. Ka baka leo, Eéna ka ho ba mohloka-phelètso, A ke ke a etsa ntho *mona*, a nto etsa e hlabanang le eona, ka *mona*. Kamehla O tlameha ho e sebetsa e tšoana le kamoo A e sebelitseng la ho qala.

<sup>88</sup> Joaloka Petrose ha a boletse, mohla letsatsi la . . . e le ha Balichaba ba amohela Moea o Halalelang, o itse, "Na re ka hanèla metsi, ha e le moo ba amohetse Moea o Halalelang joaloka rôna tšimolohong?"

Jesu, mohla A ne a le lefatšeng, o buile a re, "E . . ."

<sup>89</sup> Motho o ne a tle a re, "Na molao o a re lumella, ebe re ka hlala basali ba rôna ka eng le eng?"

<sup>90</sup> Jesu a re, "Ea bopileng e motona, o bopile le e motšehali. Ka baka lena monna o tla . . ."

A re, "Empa Moshe o re lumeletse ka lengolo la hlalo."

Jesu a re, "Tšimolohong ho ne ho se joalo."

<sup>91</sup> Khutlelang tšimolohong. Ka baka leo, haeba re tla bua ka mongoaha oa kereke, re tlamèha ho khutlela tšimolohong, re ntse re qhela polelo efe e builoeng ke motho ho haola le mongoaha.

<sup>92</sup> Ena ke Buka e molaong ho fetisa papisong le Buka efe feela ka har'a Bibebe. Ena ke eona feela Buka eo Kreste a e tiisitseng ka tiiso ea Hae. E qala ka lehlohonolo 'me e qetella ka thohako. "Ho lehlohonolo ea balang." Le, "Ho rohakoe mang le mang ea tlosang letho ho Eona."

<sup>93</sup> Ke eona Buka e ngotsoeng ke Kreste, ka Sebele, Bibeleng eohle. Melao e Leshome, O e ngotse ka monoana oa Hae. Ke hantle. Bajuda ba ile ba e tiisetsa. 'Me, kajeno, ke e—e Tšenolo.

<sup>94</sup> 'Me haeba Satane a hloile Buka efe feela ka Bibeleng, ke Tšenolo. Li peli... O hloile Lengolo lohle, 'me ke letoto la Lengolo lohle. Empa, haeba ntho efela e le teng, eo a e nyatsang haholo, ke Tšenolo le Genese. Hobane, Genese e phetha tsa tšimoloho. Tšenolo e senola se tlang ho mo hlahela letsatsing la ho bofelo. O tla tlangoa lilemo tse sekete; ebe moo eëna, moporofeta oa bohata, sebata, ba lahleloang, ba ntse ba utloa, Letšeng la Mollo.

<sup>95</sup> 'Me o tla hlasèla Buka ea Genese mabapi le nèpahalo ea—ea eona. O tla bua, a re, "Ha e a nèpahala." O tla fehla batho likelello. Shebang na liabolosi o larile kae, Buka eo ea Genese kapa Buka ea Tšenolo, ea pele le ea morao.

<sup>96</sup> 'Me Buka ea Tšenolo e momme lipapiso tse ngata ho feta Libuka tsohle ka har'a Bibebe. E fupile lipapiso hobane ke Buka ea boporfeta. Ke Buka ea seporofeto. Ka baka leo e tlamèha ho utloisisoa ke sehlopha sa boporfeta. Buka ena ha rereloa mang le mang. Koana, ho batla ho se motho ea e utloisisang. Buka ena e reretsoe sehlopha sa batho ba ikhethang. Koana ho Leutronoma, E re, "Linthro tse patiloeng ke tsa—tsa—tsa Morena." Ke hantle. 'Me O senolela röna, bana ba Hae, linthro tse patiloeng. Ka hona ha e ee...

<sup>97</sup> Kelello ea nama ha e hlalohanye linthro tse kholo tseo tsa Lengolo, hoba ke bohlanya ho bona. Empa ho ba ratang Lentsoe la Molimo, Buka eo e ngoletsoe bona, ho Kereke. Tšenolo ea Jesu Kreste, "Ho kereke e Efese, ho kereke ea Smirna, ho kereke, ho likereke," ho theoha joalo. Tšenolo ea Jesu Kreste ho Kereke. Ke rata seo.

<sup>98</sup> 'Me lemohang, e boetse ke pheletso ea Mangolo, pheletso e tletseng. 'Me e beiloe ka nèpahalo ea thutafatše, qetellong ea Bibebe. Tšenolo ea ntho eohle e beiloe morao mona ka lehlohonolo ho ea E balang le ea E utloang, ka thohako ho ba tla ekeletsa kapa ho fokotsa. Ke letoto le tletseng, oh, makoma-'nête. Ha ho le ka ekeletsoang ho Eona. 'Me ha motho a leka ho fokotsa letho ho Eona, kapa ho eketsa letho ho Eona, Molimo o itse O tla tlosa kabèlo eo Bukeng ea Bophelo. Ua bona? O tla tlosa kabèlo ea hae Bukeng, haeba a e E ekelelitse.

<sup>99</sup> Ka baka leo, ha re bona Tšenolo e menahaneng ea Morena oa rōna, hore Ke mang, seo A leng sona, haeba motho a eketsa letho ho Eona kapa a fokotsa letho ho Eona, ke boporofeta ba bohata. Bongata bo lekile ho ipolela boi tšoere ntho ea moraorao ho feta Ěo. Empa Ěo ke Tšenolo e tletseng ea Morena Jesu mongoaheng oa kereke ea Hae le Letsatsing la Hae, Tšenolo ea Morena oa rōna.

<sup>100</sup> Joale—joale, *koahōllo*, lentsoe la Segerike, ntho e neng e patiloe, seno—... “ho senola” Kreste.

Joale, temaneng e latelang, re a fumana, temaneng ea 2.

<sup>101</sup> Temana ea 1 ke koahōllo ea Kreste, Tšenolo, kapa ho khurumolotsa. Oh! Kamoo mongoaha oa ho qetela le ho Khutla ha Morena ho neng—neng ho khurumelitsoe, ho baapostola! Ba botsitse potso, empa ha phela a le mong feela ho fuoa Tšenolo. Le joalo, ha a e utloisia, hoba nalane e ne eso raloe.

<sup>102</sup> Joale, nalane ea Buka ena, kapa e—e moko oa Buka ena, o ne o lebisitsoe ho likereke tse supileng Asia e Nyenyane, ea mehla eo. E ne e lebisitsoe ho likereke tse supileng tseo. Likereke li ne li feta tse supileng tseo ka bongata, tsatsing leo. Empa e ’ngoe le e ’ngoe ea likereke tseo e ne e le bohlokoa, e le bohlokoa ka baka la semelo se kahara kereke eo, se neng se tla e sala morao ho theoha le mongoaha, semelo sa kereke eo. Joaloka ea Efese, e bile le semelo. Smirna, Pergame, le ho theoha joalo, Filadelfia, e ’ngoe le e ’ngoe ea likereke tseo e ne ruile semelo, se neng se tla boela se bitoha mengoaheng e tlang ho tla. Oh! Hola feela le ka...

<sup>103</sup> O teng motho ea ka bonang e—e moelelo oa moea oa Mangolo ‘me a a tlalehe a sa bululeoa? Tsona liketso tsa hao, eona merero, tsona lipheo tsa batho, khele, e paka hobane Lengolo le bululetsoe, ho bona kamoo Molimo o hlomahanyang lintho tseo. Seo u se etsang feela, ke *ena* papiso ea ntho e ’ngoe.

<sup>104</sup> Joaloka Abrahama ea nyehetseng Isaaka, mora hae ea pala; papiso ea Molimo o neelang Mora Oona, makholo a lilemo hamorao. Kamoo Josefa a rekisitsoeng ‘me a kena chankaneng, a hlouoa ke banababo ‘me a ratoa ke ntate oa hae; Jesu, papisong. Kamoo Moea o sebelitseng ka Josefa, monna, a mpa a bapisa bophelo ba Kreste, ka phethahalo. Kamoo, Davida, Mora Davida a kileng a lula holim’ a eona thaba eo. Mohla Davida a lahluoang e le morena ‘me a hloa leralla, Thaba ea Mehloaare, a hetlile, a lla, e le morena ea lahluoeng; lilemo tse makholo a ’maloa hamorao, Mora Davida a hloa leralla lona leo, e le Morena ea lahluoeng, ‘me a llela Jerusalema. Moea ka papipo le ka sebopaho. Oh!

<sup>105</sup> Ebe joale na le bona Kereke e kholo ea pentekosta letsatsing lee la bofēlo? Na le bona kamoo Molimo a e hlomileng Letsatsing la Pentekosta? Moea oo o tlamèha ho lula kahara Kereke o haola le mengoaha.

<sup>106</sup> Ba fetohile ba arubelitsoe ke monyemō. Ba tlameha ho itholla bolumeli. Ba lokela ho matahanya kereke le 'muso 'moho, 'me qetellong ba e khonne 'me ba melisa lilemo tse makholo tsa hloriso. Éaba, Hlabollong, ba a tsoa. 'Me selemo ka seng, esale ba khethula Moea 'me ba ekeletsa nthong ea nama, ho khethula Moea le ho ekeletsa nthong ea nama, ho fihlela joale ba le mothating oa ho e phetha. Re phela lihoreng tsena tsa ho qetela, tse phethelang, pheletso ea kereke. Re kahara Filalelfia . . . kapa Mongoaha oa Kereke ea Laodisea.

<sup>107</sup> Joale, khaolo ea 1, temana ea 1, e tsebisitsoe ho—ho Johanne. Joale, mongoli ke mang? Johanne. Johanne. E ne e se tšenolo ea Johanne, 'me re e tseba e ne e se eona, hoba e ne e le Tšenolo ea Morena Jesu Kreste. E ne e le sena, o ne a khethetsoe ho beoa morutuoa. 'Me Buka ka Boeona e senola seo e neng e le sona, Jesu Kreste, Eo A neng a mo senola.

<sup>108</sup> 'Me e ne e rometsoe ho . . . "Le ho tšoantšetsoa Johanne ke lengeloi la hae." Ha re tsebe na lengeloi e ne e le mang. Bibele ha e bolele na lengeloi e ne e le mang. Empa re a tseba e ne e le moporofeta, hoba hamorao Bibele e boletse, ho re, "Ke 'Na Jesu ea romileng lengeloi la ka ho paka lintho tsena tse tla hlaha kapele."

<sup>109</sup> Ebe re fumana mohla Johanne a qalang a khumamela lengeloi, lengeloi le itse, "U iponele u se ke ua etsa joalo." Tšenolo 22, ke a kholoa ke eona. 'Me a re, "Hoba ke molekane oa banabeno le oa baporofeta." Ekaba e ne e le Elia. Ekaba e ne e le e mong oa baporofeta. Johanne e ne e le moapostola. Empa moporofeta enoa o ne a romiloe.

<sup>110</sup> 'Me Johanne, ka ho ba moapostola, shebang tšobotsi ea liepistole tsa hae tsohle, li paka e se Johanne ea e ngotseng, hoba ha e a fupa tšobotsi ea Johanne. Nkang Johanne oa Pele, Johanne oa Bobeli, le joalo, 'me le e bale. 'Me le shebe tšobotsi ea ntho eo, le ntso sheba tšobotsi ea ena. Johanne e ne e le mongoli ebile e le moapostola, empa ona ke moea oa moporofeta. Ke motho ea fapaneng, ka botlalo. Ua bona? E ne e se mongolo oa Johanne. E ne e se tšenolo ea Johanne. E ne e le Tšenolo ea Molimo ea Jesu Kreste ho likereke. 'Me e ne e na . . . Johanne e ne e le mongoli feela, ralesiba, 'me—'me le Buka e hlalosa hona hoo.

<sup>111</sup> Joale, e ne e sa lebisoa ho Johanne. E ne e lebisitsoe ho Kereke. Ho lokile. Johanne, mohlang oo, e ne e le molisa oa kereke ea Efese. 'Me joale Buka e lebisitsoe ho Johanne . . . kapa ho kereke, e sang ho Johanne.

<sup>112</sup> Joale temana ea 3, O tlaleha lehlohonolo. Mamelang sena.

*Ho lehlohonolo ea balang, le ba utloang litaba tsa boporofeta bona, ba bolokang tse ngoliloeng teng: hobane nako ea tsona e se e le haufi.*

<sup>113</sup> Ke nako efe e haufi? Nako ea lintho tseo ho hlaha, mohla Tſenolo ena ea Jesu Kreste e phethiloeng mongoaheng o mong le mong oa kereke.

<sup>114</sup> Joale lebaka leo A e ngotseng tjena. Holane a itse, “Be, joale, O . . .” Ba ne ba Mo shebeletse; holane ea senoloa, holane (a) ea senoleloa Johanne, ho thoe O tla fihla kapele mohla likereke tseo li felang. Johanne o ne a e hopotse joalo. Empa hola ea eba joalo, likereke tseo, hang hoba li fete, ba tlie . . . Hola a tseba, hola a e senoleloa ho thoe ho tla fihla mengoaha ea kereke e melelele e supileng, lilemo tse likete tse ‘maloa, kapa lilemo tse makholo a ‘maloa, lebaka la ho lebella le ka be le le sieo. Ba ka be ba phetse mongoaha oa kereke ea bona ba o qeta.

<sup>115</sup> Ka baka leo, Molimo o e buile, ‘me e ne sa senoleloa bona. Martin Luther ha a senoleloa, lintho tseo John Wesley a li tsebileng ka Lengolo. Mabaptise ha a senoleloa, seo Mapentekosta a se tsebang ka Lengolo, hoba ke mongoaheng o fapaneng. Ke nako e fapaneng. ‘Me Molimo o senola lintho tsa Hae sehleng feela. Oh!

<sup>116</sup> Ha le ke le lema mabele sehleng sa selemo le be le kotule ka nako e le ‘ngoe. U ee u leme peō ‘me e a hola e a butsoa. Molimo o lema Lentsoe la Oona ‘me Le ntso hola hantle le hlahella. Ebe re sheba morao re re, “Ke eo moo E neng e le teng.” Khele, ehlile, re E bona kamora ho senoloa ha Eona.

<sup>117</sup> Joale, “Lehlohonolo,” Lentsoe, tlaleho ea lehlohonolo, temaneng ea 3, “ho ba balang kapa ba utloang liphiri sa eona.”

<sup>118</sup> Ho etsa . . . kelello ea nama e a e qhela, hoba kelello ea nama ha e tsebe letho la eona. Ha se ntho e tsotoang ha kelello ea nama e sa e tsebe, hobane Satane o ka har’ a kelello ea nama. ‘Me Satane o pepesitsoe, ‘me Satane ha a batle ho pepesoa.

<sup>119</sup> Le lemoha ho nyaroha ha Satane mohla a nahantan a tli’o pepesoa? Shebang ka har’ a e ‘ngoe ea litšebeletso. Shebang boitšaro ba batho. Le shebe, holim’ a kopano. Pejana feela Satane a pepesoa, holim’ a motho ea itseng, o bona sefahleho sa bona se fetoha. U a bona, ha ba tsebe seo ba ka se nahantan. Hang feela, Moea o Halalelang o a theoha o pepesa liabolosi eo. Oh! Ha a batle kopano ea mokhalo oo. Ke ka baka leo re loanneng hakana, hobane Lentsoe la Molimo le pepesa liabolosi. Ua bona? Le mo bolela seo a leng sona.

<sup>120</sup> Mokana u re, “Mosali enoa ea lutseng mona,” tlas’ a tšusumetso ea Moea o Halalelang, ho thoe, “lebitso la hae ke Mofn. Jones. O tsoa *Hore-le-hore*.” Hoo ho etsang? Ho qhautsa moea oa hae, ho o nyollela sebakeng.

<sup>121</sup> “U ntsebella kae? Monna eo ha a ntsebe, e tšoanetse e be e le moea o itseng. Ke moea oa mofuta ofe?”

“Ke Moea oa Molimo.”

“Joang? Molato keng ka ’na?”

<sup>122</sup> “U tšoeroe ke lefuba, mofetše,” e ka bang eng, “empa HORIALO MORENA . . .”

“Oh!” Oh, kamoo Satane a hloileng hoo, hobane Se a mo pepesa.

<sup>123</sup> Joale, kelello ea nama e a nyarela, ho thoe, “Ho bala kelello, khokano ea mohopolo.” Ha ba tsebe. Ke bohlanya ho bona.

<sup>124</sup> Empa ho bao ba tsebang seo E leng sona, oh, ha se le lehlohonolo! Ke eng? Tšenolo. Tšenolo ea mang? Ea monna ea sefaleng? Ea Jesu Kreste mongoaheng ona oa kereke ea ho qetela, ho Itšenola joalokaha A tšepisitse A tla etsa. Ua bona?

<sup>125</sup> Ke tšenolo, ua bona, ’me Satane o hloile hoo. Khele, kamoo a e hloileng! O pepesitsoe, ho pepesa leano la hae. Satane o hloile Litšenolo le Genese, ke ngotse mona. Ke ’nete e tiileng.

<sup>126</sup> Joale, hobaneng a hloile tšenolo? Hobaneng a le khahlano le tšenolo hakaale? Ke kahobane letoto lohle la Lentsoe la Molimo le Kereke ea Molimo e theiloe ka ho shoèlella holim’ a tšenolo.

<sup>127</sup> E ke ke ea tlisoa ke ho pota e—e sekolong, ho sa tsotelehe re ruile liseminare tse khabane hakae. Li motšeо koana mongoaheng o rothofetseng. Bibele le Kereke ke tšenolo ea makoma.

<sup>128</sup> Ha re phetleng. Ke ngotse Mangolo a ’maloa mona, Mattheu, e—e khaolo ea 16 le temana ea 18. Ha re shebeng nakoana—nakoana feela ho Mattheu 16:18, ho bona moo Mangolo a leng teng, moo tšenolo e leng teng. O theoha thabeng, temana ea 17.

*Jesu a araba a re ho eèna, U lehlohonolo, Simone mora Jona: hobane hase nama le mali a u koaholletseng hoo, empa e le Ntate ea maholimong.*

*Hape ke re . . . ho uena, . . . u Petrose, ’me kaholima lejoe leo Ke tla haha kereke ea ka; ’me likhoro tsa nqalo ea bafu ha li ka ke tsa e hlola.*

<sup>129</sup> Joale, kereke ea Katolike e re, “O e hahile kaholima Petrose.” Be, hoo, ruri eo ke kelello ea nama. Ha u hopole kelello ea moea e ka nahangang ntho e joalo; e le Molimo, ka Mora oa Hae ka Sebel ea emeng mono, ’me a ntoo haha Kereke ea Hae kaholima monna oa tloaelo, ea paala, ea tsoaletsoeng sebeng. Monna eo o e pakile. Eèna, ka ona moea oo holim’ a hae, o rohakile Jesu ’me a Mo latola hantle sefahlehong sa Hae. E ne e se Petrose.

<sup>130</sup> Kapa, hape e ne e se e—e lejoe le robetseng mono, ho latèla tlaleho ea likereke tse ling. E ne e se lejoe. Hoba, Petrose . . .

<sup>131</sup> Lejoe leo A le boletseng mono, e ne e se Petrose, ebile e se sebele sa Hae.

<sup>132</sup> Joale, boholo ba batho ba Protestanta ba leka ho re, “E ne e le Jesu. Ke Eèna ea ahileng Kereke holim’ a Hae. Eèna!” Che, e sa ntse e fositse. Ha le ka elelloa, e ne e se Jesu, ebile e se Petrose. E ne e le tšenolo.

*. . . hase nama le mali a u koaholletseng* sena ho uena,  
*empa e le Ntate ea maholimong* ea hlahisitseng tšenolo  
 ena.

<sup>133</sup> Shebang. Ke batla ho le botsa. Tšimong ea Edene, Mangolo a ne a sa ngoloa. 'Me eaba bashanyana ba babeli, Kaine le Abele, 'me bobeli ba batla ho etsa sehlabelo ho hauheloa ke Molimo. Eitse ha ba etsa joalo, Kaine a tla a haha aletare; Abele a haha aletare. Be, haeba e le phetho seo Molimo a se hlokang, Molimo o tla be a sa loka ho ahlola Kaine. Ke hantle. Eaba Kaine o etsa sehlabelo; Abele le eëna. Bobeli ba bona ba etsa sehlabelo. Kaine a khumama, le Abele. Kaine a etsa sohle seo Abele a se entseng.

<sup>134</sup> Ka hona haeba ho tsamaea kereke, ho fetoha setho sa kereké, ho etsa lihlabelo, le ho rapela, le ho khumamela Molimo, e le phetho seo Molimo a se hlokang, ekabeba Molimo ha o a loka ho ahlola Kaine ka ho etsa ka nepo seo A se laetseng ho etsoa.

<sup>135</sup> Empa, ua bona, Abele, ka tšenolo, o tsebile tholoana e se eona e ba ntšitseng tšimong ea Edene, mokana boholo ba likelello tsa nama li nahana kajeno. Abele o tlie a hlahisa tholoana ea tšimo, eaba Molimo o a e hana, empa e ne e senotsoe. . . . Ke bolela, Kaine ea entseng hoo, ntšoareleng. Kaine o hlahisitse tholoana ea tšimo kaha a hopotse e le sona se ba ntšitseng tšimong ea Edene. Shebang tšenolo eo. Shebang khohlano ea eona. Shebang ho thonkha ha eona kajeno. Empa ha ba ntšoa ke tholoana ea tšimo. Eva ha a ja liapole tsa letho. Ehlide. A elelloa joang hoba o fèela, haeba e le ho ja liapole? E ne e lekanya bophelo ba phelisano. E ne e loketse joalo bo!

<sup>136</sup> Joale, re e nka e le tekölo, 'me re lokela, ho khutlela ho eona. Ha ba fumane le Lengolo le pala.

<sup>137</sup> Ba bang ba bona ba re, "Be, o itse, 'Ke fumane mora ho Morena.'" E, monghali. Le seōtsoa bo. Bophelo bohole bo tlamèha ho botjoa ke Molimo.

<sup>138</sup> Empa ke bophelo bo khopameng. Shebang semelo sa moshanyana eo. E ne e le oa ntata'e, liabolosi; lehloo, lonya, 'molai. Ua bona?

<sup>139</sup> 'Me hape kamoo, Abele, mohla bao . . . batsoali ba hae ba 'molellang mohlomong ba re—re lifate li metse tholoana, le lintho tse joalo. Empa, Abele o e senoletsoe. Abele a tloha a tšoara konyana, ea mali, ho tlosa bophelo. E seng sefate sa tholoana, ho hlahisa liapole le lipanana le lipere. "Empa Abele, ka tšenolo ea moea," Baheberu 11, "o hlahiselitse Molimo sehlabelo se fetang ka molemo. Molimo o se pakile, kaha a kile a e senoleloa ka tumelo."

<sup>140</sup> Ke hona moo Molimo o ahileng Kereke ea Oona. "Hoba hase nama le mali a u senoletseng hona." Hase ho ithuta Eona sekolong sa thupelo. Ha u a E rutoa ke motho nqa e itseng. "Empa Ntate oa ka ea Leholimöng o o senoletse Eona." Mono,

ntho eohle e holim'a tšenolo, Kereke eohle, "Holima lejoe lena la Tšenolo ea Jesu Kreste, Ke tla haha kereke ea ka."

<sup>141</sup> Le ka amohela polelo ea molisa. Le ka amohela se rutoang ke sekolo sa thupelo. Le ka amohela se buoang ke kereke. 'Me ha sea loka, le joale. Le ka e hlalosa ka bokheleke. Empa pele Molimo a u senolela hore Jesu Kreste ke Mora Hae, le hoba u bolokeha ke Mali a Hae; holim'a tšenolo eo, ho re, "Ke Mopholosi oa Ka."

<sup>142</sup> "Holim'a lejoe lena Ke tla haha kereke ea ka, 'me likhoro tsa lihele li ke ke tsa hlola."

<sup>143</sup> Le bona lebaka leo Satane a emeng hakaale khahlano le Buka ea Tšenolo. Sohle se senotsoeng, tšenolo ea moea, Satane o khahlano le sona. Ka lona lebaka leo o khahlano le tšebeletso ena ea lentsoe kajeno. Hobane, ke eng? Ho senoloa ha Kreste.

<sup>144</sup> E reng kereke e tsoelepele ka malumeli a eona a maholo le mekhatlo, le ka melaetsanyana ea eona e hlonngoeng lipalesa le tse joalo. Ba ka 'na ba tsoelapele, Satane a ke ke a e hlopha. Ha ba kopane le mathata. Ba phathatsoa sekotlo ke mang le mang.

<sup>145</sup> Ebe ho fihla mohla Molimo, ka Moea o Halalelang, a boelang a senola Kreste kahara Kereke, ka matla le ka liponahatso tsa pholiso ea bakuli, le ho hlahisa lipontšo tseo A tlalehileng li tla latela balumeli, li phethahala, Satane o phethoha moalong oa hae. O etsa ho hong ka eona. Ho fihlela mohlang oo, Satane ha a tsotelle na u ngolisa hakae kerekeng. Ha a tsotelle hakaalo. Empa ha Kreste a u senolela a re ke Eèna Mora Molimo, 'me o etsa mesebetsi A e entseng; e seng mesebetsi e meng e itseng, empa eona mesebetsi eo.

<sup>146</sup> "Ea lumelang ho 'na . . ." Mohalaleli Johanne 14:7. "Ea lumelang ho 'na, mesebetsi eo Ke e etsang le eèna o tla e etsa. Ho etsa mesebetsi e tšoanang, le e meholo ho ena." Hobane, Kreste o ne a ke ke a rera kolobetso ea Moea o Halalelang, e tla ba kholoanyane. A ke ke a ba tlisetsa eona, hoba Moea o Halalelang o ne o eso abjoe. Empa mohla Jesu a ne a fihla a etsa Bophelo ba Hae sehlabelo, 'me Moea o Halalelang a khutla, teng ba be ba ka abela batho Bophelo Bosafeleng. Eo ke e "meholo ho feta."

<sup>147</sup> Empa lipontšo le meeka, Jesu o buile ka ho hlaka, ho Mareka 16, "E-eang ka lefatše lohle, le bolelle sebopuoa ka seng evangeli." Ho fihlela kae? Lefatšeng lohle. Ba bakae? Sebopuoa ka seng. Ha feels Evangeli e sa reroa, lipontšo tse tla latela balumeli ke tsona tsena. 'Me mohla seo se fetohang tšenolo, moena, u haufi le 'Muso he. "Holim'a lefika lena Ke tla haha kereke ea ka, 'me likhoro tsa lihele li ke ke tsa e hlola."

<sup>148</sup> Hobane, monna kapa mosali ea kileng a fihla motšeо ho lehoatata leo a 'notši, joaleka Moshe, 'me tšenolo ea Molimo e mo hlahetse ka Moea o Halalelang, ha a tsokotsoe ke letho. O tiile o bile o tsepame ho khonehang.

Satane o hloile Tšenolo. Ha a e rate, ho hang; e khopisa merero ea hae.

<sup>149</sup> Semelo sa Buka se se supa e sa ngoloa ke Johanne. Ke hantle. Hoba ke tsa—ke tsa e mong...Ke mongolo oa hae, empa ha se pululelo ea hae. Pululelo ea Molimo ke eona e ngolang Buka. Ho lokile.

<sup>150</sup> Ha re boneng joale seo e se buang.

*Ho lehlohonolo ea balang, le ba utloang...boporofeta bona, le ea bolokang litaba tse ngoliloeng teng: hobane nako ea tsona e se e le haufi.*

<sup>151</sup> Joale, “Nako e haufi.” Eng? Mohla Tšenolo e tletseng ea Jesu Kreste e seng e tsebisoe likereke tsa Hae. ’Me ereha mengoaha e feta, e senoleloa bona feela.

<sup>152</sup> Joale re fihlile tlase nakong ea qetelo hantle, ruri joale re bofelong ba lefatše. Re bofelong ba nalane ea lefatše. ’Me le pele veke ena e fela, ’me Molimo a ena le rōna, ho re thusa, re tla kholisa hobane re bofelong ba mengoaha ea kereke. Re fihlile ho oa Filadel...kapa Mongoaha oa Kereke ea Laodisea, bofelo ba mengoaha eohle. Re bofelong ba lefatše la lipolotiki. Re bofelong ba e—ba lefatše la tlhaho. Re bofelong ba lintho tsohle. Re bofelong ba ntho ka ’ngoe ea tlhaho, re itokisetsa ho kena.

<sup>153</sup> Tsatsi le leng ha ke e tla, kea kholoa ke ea Shreveport, kapa ke kena tulong e itseng. Ka sheba. Ka re, “Lifate li a shoa. Joang bo a shoa. Lipalesa li a shoa. Ke a shoa. Lefatše le a shoa. Sohle se a shoa. Sohle se a shoa lefatšeng lena.” Re lutse mona hoseng hona, re a shoa.

<sup>154</sup> Ruri lefatše le teng nqa e ’ngoe, moo sohle se sa shoeng. Haeba la tse shoang le le teng, la tse phelang le tlameha ho ba teng. Re labalabela hona hoo, ho fihla moo ho...lifate li emeng li sa busoe ke ho shoia. Oh, moo sohle se sa busoeng ke lefu ’me se eme ka e—ka khanya ea Molimo.

<sup>155</sup> Joale, joale, re fetile litemana tsa pele tse tharo joale, ho bea motheo. Ea 1, “Tšenolo ea Jesu Kreste.” Ea 2, “E neiloe Johanne ke lengeloi.” ’Me ea 3, ke, “Ho lehlohonolo, lehlohonolo ho ba balang, ’me,” ha u sa khone ho bala, “ho lehlohonolo ea utloang.” Ha u sa khone ho bala? Ako Le utloe feela. Ke phetho. “Ho lehlohonolo ea balang, ’me,” ha u sa khone ho bala, “ho lehlohonolo ea utloang, hoba nako e se e le haufi.”

<sup>156</sup> Joale, le nahantan ka seo letoto lena le se lekanyang, ke ho re, Johanne, mongoli mono, ka ho e ngola, ke ho...*Enoa* mona ke Johanne, ea reng feela “mahlohonolo” le joalo-joalo. Joale, seo ke hopotseng e ne e le sona, ka Testamenteng ea Khale, moprista o ne a ema hoseng ’me a bale Mangolo. Phutheho e mamele. Bongata bo ne bo sa khone ho bala. Ka hona a re, “Ho lehlohonolo ea balang, le ea utloang.” Ua bona? ’Mali le moutloi; ea balang, le ea utloang, o lehlohonolo. Haeba u lutse

feela u e mametse, u lehlohonolo. “Ho lehlohonolo ea balang, le ea utloang, hoba nako e se e le haufi.”

<sup>157</sup> Joale, ho tloha ho 4 ho fihlisa ho 6 ke tumeliso ho Kereke. Joale re batla ho nka ea 4 le ea 6.

<sup>158</sup> Joale, pele re e tea, ke batla mang le mang a leke ho nahana ka thata joale. Joale Eona ke eng? Ke tšenolo ea Jesu Kreste, moo Molimo o tlositseng lesira la nako. Nako ke *ena*, moo Jesu a sa kang a e bona mehleng ea Hae mona lefatšeng, mengoaha ea kereke, se neng se tla etsahala. Ka hona, Molimo oa tlosa lesira, oa le hula, oa lumella Johanne ho nyarela ho bona se tlang ho etsoa ke mongoaha kereke ka mong, ‘me eaba o e ngola bukeng oa e romella likereke tse supileng.

<sup>159</sup> Ebe ke eng? Kreste ea senotsoeng matsatsing a leeto la Hae—la Hae. Motsamao oa eona o tletseng, Buka e joalo. ‘Me ke—ke Buka ea boporofeta e abiloeng ke Kreste, Molimo o re neile ka lengeloi la Hae, e ngotsoe ke Johanne. Le lehlohonolo le lebisoang ho ea tla E bala kapa ea E utloang, hoba e—hoba nako e se e le haufi mohla sena sohle se phethehang.

<sup>160</sup> Malulo a hlomiloe joale. ‘Me le hopole, re ntse re hopotse Kereke. Ka lehlakoreng le leng, Kereke e qalile; ka lehlakoreng le leng, kereke e a fela. Ho tla kenoa ho eona ho feta, Mantaha bosiu, ha re tea mengoaha ea kereke.

*Ke le Johanne ke ngolla likereke tse supileng tse Asia  
ke re: Le neoe mohau, le khotso, ke ea leng teng, . . . ea  
neng a le teng, ea tla ’na a be teng; le ke Meea e supileng  
e pela terone eo.*

<sup>161</sup> Joale re kena likarolong tsa lipapiso tse mohlolo le tse tebileng. E ngoletsoe likereke tse supileng tse Asia e Nyenyane. Li ne li—li ne li . . . E—e mengoaha, ka nako eo, e ne e tla hlahlama hamorao. ‘Me o ile a e phahamisa ‘me—‘me a e boka ka baka la mosebetsi oa eona le ka seo e se entseng. Empa, joale, e ngoletsoe likereke tse supileng tse Asia e Nyenyane.

<sup>162</sup> Joale, Asia e Nyenyane e ne e se Asia eohle, kontinente ea Asia. E ne e le sekotoana feela. Ho thoe, ke sebaka se kaa ka lebatooa la Pennsylvania, ua bona, kapa ntho e kang eo, kapa Indiana; sebakana feela moo likereke tsena tse supileng li neng li lutse teng. Mehleng eo palo ea likereke e ne e feta tseo ka bongata. ‘Me, empa, e senotse semelo sa tsona. Joale ke ntse ke bala mona seo ke se fumaneng ha ke ntse ke bala nalane ea eona.

<sup>163</sup> “Le hona o a . . . Ho rohakoe ea utloang ‘me, kapa, ‘me a sa E utloe.”

<sup>164</sup> ‘Me—‘me joale, ho fihloa mehleng ea temana ena ea 4 eo re batlang ho hlalosa taba mona. “Ho tsoa ho Ea neng a le teng, le ea leng teng, le ea tla ’ne a be teng, ‘me a ena le Meea e supileng; ho tsoa ho Meea e supileng e ka pela terone ea Hae.” Joale, “Meea,” re tla kena ho eona ha morao.

<sup>165</sup> Joale, mona e a hhalosa, ha le ka lemoha ka—ka mono. Hape le temaneng ea bo 7, kapa ea bo 8, O boela a khutla 'me o boletse, ho boela a hhalosa. Joale shebang. Likereke tse supileng li a ngolloa. "Ho tsoa ho Ea leng teng, ea neng a le teng, le ea tla 'ne a be teng. Ea neng a le teng, ka nako e 'ngoe; o teng joale; le ea tla 'ne a be teng." Joale, mona O hhalosa mekhahlelo ea Hae e lintlha li tharo, mekhahlelo ea Hae e lintlha li tharo ea mosebetsi oa Hae.

<sup>166</sup> Joale haeba le ka tšoara temana ea bo 8. Re tla tla ho eona, motsotsong feela. Re tla nka temana ea bo 8.

*Ke 'na Alfa le Omega, qalo le qetèllo, ho bolela Morena,  
ea leng teng, . . . ea neng a le teng, le ea tla 'ne a be teng,  
ea Matlaohle.*

<sup>167</sup> Joale re tšoarana le temana ea bo 4 le ea bo 6 tekolong, bobeli ba tsona li a tšoana. E 'ngoe, O re, "Ho Ea neng a le teng, ea leng teng, ea tla 'na a be teng." Ebe O ntse a leka ho bea'ng ka pela Kereke? Bomolimo ba Hae. Kajeno, batho ba leka ho Mo etsa e—e moporofeta. Ke Ea fetisang le moporofeta. 'Me batho ba bang ba leka ho Mo fetola Melimo e meraro. Ha se Melimo e meraro. Ke Molimo o le mong o phetseng ka liofisi tse tharo, liponahatso tse tharo tsa Molimo o le mong.

<sup>168</sup> Joale, le hopole, ena ke Tšenolo, "'Me mang le mang ea E utloang 'me a sa boloke lipolelo tsa buka ena, kabelo ea hae e tla tlosoa bukeng ea bophelo." Jesu ha a Itšenole e le Melimo e meraro, empa Molimo o le mong le liofisi tse tharo. Oh! E tlil'o èna ka mora nakoana, ha re kena mengoaheng eo ea kereke le ho ba bona moo ba e lahlileng teng. Ea hlahisa karohano e kholo Lekhotleng la Nicene. Bobeli ba tsona tsa khelohela hole.

<sup>169</sup> 'Me ba boetse ba entse ka ho tšoana matsatsing ana a qetèllo, joaleka Lekhotleng la pele ho Nicene hape, hoba le leng le tla fihla. Ruri joalekaha ke eme mona ka ho tiea, Katolike le likereke tsa Protestanta li tla kopanya ntho e 'ngoe 'moho, kapa li lumellane. Shebang arekabishopo oa Canterbury koo hona joale. Hoo hohle ho qhobellana 'moho. 'Me thuto ea Molimo o momahaneng hararo ha e fumanoe ka Bibeleng. Molimo o mong.

<sup>170</sup> 'Me e senotsoe ka har'a Buka ea Tšenolo mona, hore letoto la Mangolo oohle le tle le kholisoe mona, 'me le Kreste o manehile tiiso ea Hae holim'a eona. Ena ke Eona. Ekare ha e mong a fokotsa kapa a ekeletsa, le èena o tla tlosoa Bukeng ea Bophelo, ho eèena. Joale taba ena le se ke la e atamela ka boitšepe, le e atamele ka pelô e butsoeng le ka mohopolo o butsoeng.

<sup>171</sup> Joale, Lekhotleng la Nicene, ba fihletse liqeto tse peli tse kholo. Holima e . . . Oh, bongata ba bona tsatsing leo la kereke ea bontate ba mesong, ba ne ba tšoere mehopolo e 'meli e tlolang moeli. O mong oa eona e le Molimo o momahaneng hararo, botrintase. 'Me o mong e le e—e Molimo o 'notši. 'Me bobeli ea hlahia ea mèla makala a mabeli a otlolohileng, ka tsela eo. Botrintase ba fetoha leaho la molimo-e-meraro ka moperesone.

Ea boinosi ea fetoha bonngoe bo kopaneng, e a hlahlathela e fosahetse hakaale ka e 'ngoe. Ka hona bobeli ea mèla makala, empa 'Nete e senoloa hantle ka *Mona*.

<sup>172</sup> Jesu e ne e ke ke ea eba Ntate oa Hae ka boeëna. Le joalo, haeba A bile le ntate kathoko ho Moea o Halalelang, eka be eba Ke ngoana bonyatsi. 'Me e seng... Moea o Halalelang ke oona o Mo emotsgeng, 'me O itse Molimo e ne e le Ntate oa Hae. Ka baka leo Moea o Halalelang le Molimo... Eo ke Mattheu 1:18. Ha eba... Moea o Halalelang le Molimo eka khona e be e le Moperesone a le mong, ho seng joalo O ne a ena le bontate ba babeli. 'Me O reiloe *Emmanuele*, e leng, "Molimo o na le rôna." O boletse, mohla A leng lefatšeng mona, hore Eëna le Ntate ba ne ba le Bang.

<sup>173</sup> Ke ngotse Mangolo oohle mona le tle le fumane, ha re ka fumana potso ena—ena, kapa ntho e 'ngoe.

<sup>174</sup> Joale, mohla A ne a bonahatsoa mona, ka boleng ba liofisi tsa Hae tse lintlha li tharo, "Ea neng a le teng, Ea leng teng, Ea tla 'na a be teng, ea Matlaohle." Joale, mono ha ho fumanaoe Melimo e meraro. Molimo o mong.

<sup>175</sup> 'Me Lekhotleng la Nicene, ho etsa sena, hore ho tle ho etsoe sena, ba lokela ho nka boraro, hoba ba bile le melimo e sehlopha lefatšeng la Roma. Ba rapela balimo ba bona ba shoeleng. Ke tsoere nalane hantle mona moo re ka e qotsang. Ua bona? Ba ne ba rapela balimo ba bona ba shoeleng. Lebaka leo ba nang le Mohalaleli Cecelia, le Mohalaleli Markuse, le mohalaleli, mohalaleli, mohalaleli, mohalaleli, mohalaleli.

<sup>176</sup> Mohla, Moapostola Petrose a ne a re, "'Muelli e mong pakeng tsa Molimo le batho ha a eo, ha e se Monna eo Kreste Jesu." A le Mong.

<sup>177</sup> Keha ba tlamehile ho hloma molimo oa botrintase. Ka hona, ba—ba ena le Jupitere, Mars, Venuse. "'Me e ne e se tsoanelo, ho e ribeha eohle holim'a Molimo o le mong," ka hona ba e petsola, 'me ba bopa liofisi tse lintlha li tharo tsa Molimo ho fetoha Melimo e meraro e fapaneng.

<sup>178</sup> Empa mona O bua a hlakile, ho Tšenolo, hore Ke Mang. "Ke 'na Ea neng a le teng, Ea leng teng, le Ea tla 'na a be teng, ea Matlaohle." Re tla kena ho Eona hamorao mona, O itse, "Ke 'na Alfa le Omega," A ho fihla ho Z, ntho eohle, nteteroane eo ea Segerike. "Mohalalitsoe oa Phula, Rose ea Sarone; Ntate, Mora, Moea o Halalelang; Ea neng a le teng, ea leng teng, le ea tla 'na a be teng; Motso le Lehlomela la Davida." Ke Molimo, Molimo. "Kan-..." Timothea oa Pele 3:16, "Khanyetso ha e eo, sephiri sa borapeli se seholo: hoba Molimo o bonahetse nameng, o bonoe ke Mangeloi, o lumetsoe lefatšeng, o phahamiselitsoe Khanyeng." Molimo! Ha se motho oa boraro kapa moporofeta, empa Molimo ka Boëëna, o bonahetse nameng ea motho. Joale, ena ke tšenolo, hopolang.

<sup>179</sup> Joale, Molimo, tšimolohong, e ne e le Jehova e moholo ea phetseng Topallong ea Mollo, ho lopalla holim'a Israele, le ho ba etella pele. E ne e le Molimo oo, Lengeloi la Selekane. Ho theohela holim'a thaba; thaba eohle ea tuka Mollo. Mollo oa lakoma thabeng, 'me oa ngola Melao e Leshome. O ile a bitsoa "Bontate ba Molimo," ho bana ba Hae, ho morabe oa batho ba Hae ba khethiloeng, Bajuda.

<sup>180</sup> Eaba Molimo oo o bonahatsoa 'meleng o tsoetsoeng ke movirigo e leng oo A o bopileng lipopelong tsa Maria, le ho phela le ho aha le ho sarolla tente ea Hae, kamoo ho etsahetseng, har'a ba batho. 'Me oona Molimo oo oa etsoa nama oa aha har'a rôna. Bibebe e itsalo. "Molimo o no o le ka ho Kreste." 'Mele e ne e le Jesu. Jesu, "Botlalo bohole ba Bomolimo bo ne bo ahile ho Eèna ka 'mele." A ke ke A fetoloa batho ba bararo, joale. Le se ke la kolobeletsa Melimo e meraro. Molimo o mong. Ua bona? Molimo o le mong. Joale, oona Molimo ona oa na oa etsoa nama.

O itse, "Ke tsoile ho Molimo, 'me Ke ea ho Molimo."

<sup>181</sup> Hoba A nyamele lefatšeng, ka lefu la Hae, këpèlo, le tsoho, le nyölhëlo, Pauluse o kopane le Eèna tseleng e eang tlase Damaseka, mohlang oo a sa bitsoa "Saule." 'Me Kolu ea fihla, e re, "Saule, Saule, o Ntlhorisetsa'ng na?"

A re, "U Mang na?"

A re, "Ke 'na Jesu."

<sup>182</sup> 'Me E ne e le Topallo ea Mollo, Leseli le foufalitseng mahlo a moapostola. O ne a khutlile. Eèna Jesu eo e boetse e le Molimo, Ntate, hape. Lebaka leo A buileng mona, "Ke 'na ea Matlaohole," ka sebopoho seo A ne a le sona pele A etsoa nama; le 'Mele oa Hae oo A phetseng ho oona, o bitsoang Jesu, Monna eo re mo tsebang, Jesu.

<sup>183</sup> Joale, boholo ba lona batho ba ratoang ba bonngoe le kolobeletsa ka, "Lebitso la Jesu," le fositse. BoJesu ba makholo ba fumanoa lefatšeng kajeno, empa Morena Jesu Kreste o mong feela. O tsoetsoe e le Kreste. BoJesu ba bangata. Ke kopane le bona ba le bangata. Empa Morena Jesu Kreste o mong feela, Ke Molimo.

<sup>184</sup> 'Me Ntate, Mora, le Moea o Halalelang ha se *mabitso*. Ke litlötla tsa Lebitso le le leng. Bao baa kolobetsa, "Lebitso la 'Ntate, Mora, Moea o Halalelang.'" *Ntate* ha se lebitso, le *Mora* ha se lebitso, le *Moea o Halalelang* ha se lebitso. Ke tlötla, joaleka "motho." Ke seo a leng sona, Moea o Halalelang. Motho... Kapa, moea, Moea o Halalelang. Ebe ba re, "Ka lebitso la 'Ntate.'" Shebang bontate, le bara ba bara ba lona. Shebang batho ba ka mona. Ua bona? "Ntate, Mora, le Moea o Halalelang" ha se lebitso. Ke tlötla ea Lebitso la "Morena Jesu Kreste."

<sup>185</sup> Kereke ea boapostola e ne e kolobetsa joalo, tšimolohong. 'Me nka kopa motho ho hlahisa sehloho se le seng sa Lengolo,

kapa khetlo le le leng nalaneng, moo motho a kileng a kolobeletsoa Kerekeng ea Bokreste ka tsela e fapaneng le ea... haese ka Lebitso la “Jesu Kreste” ho fihlela kereke ea Katolike e botjоа. ’Me ba hloma “Ntate, Mora, le Moea o Halalelang” e le tumeloana. Joale tlisang nalane ea lona, e mong, ranalane ea itseng. Yaa. Nthо e joalo ha e eo. Ka mora 304 A.D., 304, ha fihla kolobetso ea boraro e lebisoang ho Molimo o borarong, “Molimo Ntate, Molimo Mora, Molimo Moea o Halalelang.” Ke bohetene.

<sup>186</sup> Pele veke ena e fela, ke tla e bala libukeng le ho le bontša ka Bibele. Hoseng hona re bua ka Tšenolo, le ho kholisa moo e kenang teng, le kamoo e qalileng ho ba teng. Morao ’Neteng, moena! Re letsatsing la ho qetela.

<sup>187</sup> Emang ho fihlela re tšoarana le kereke eo ea Efese re e bapisa le Laodisea, le ho sheba se hlahileng lipakeng tsa tsona. Le tla bona kamoo nthо eо e khaselitseng kahare. Ho kena mongoaheng oo oa Luthere, ha thoe, “U na le lebitso la hobane u a ‘phela,’ athe u shoele.” Lona lentsoe *Sardis* le bolela “shoeleng.” Ba e lahlile lilemong tse sekete le makholo a mahlano tsa Mengoaha e Lefifi. E ’ngoe le e ’ngoe ea likereke tseo e e bolokile ho fihlela mohlang oo. ’Me mohla ba ne ba thea Lekhotla la Nicene ka 606, eaba ba falatsa Lebitso leo ’me ba Le fetola Melimo e meraro.

<sup>188</sup> O boletse mona, “Ke ’na Ea neng a le teng, Ea leng teng, le ea tlang ho ba teng, ea Matlaohle.” Ehlide.

<sup>189</sup> Lefatšeng Boleng ba Hae bo ne bo menahane hararo. Lefatšeng Eèna mohlang oo, Boleng ba Hae bo ne bo fupile lintlha tse tharo. Lefatšeng, E ne e le Moporfeta. Hape Leholidmōng, ke Moprista. ’Me mohla A khutlelang lefatšeng hape, E tla ba Morena. Moporfeta, Moprista, le Morena. Ea neng a le teng, ea leng teng, le ea tlang. “Ea neng a le teng,” e ne e le Jesu, moporofeta. “Ea neng a le teng joale,” ke Moprista, ea hlasisang mahlabelo a moea, Moprista e Moholo ea ke keng a sitoa ho angoa ke maikutlo a mahlomola a rōna, ’me o Itlaleha a kholisa hobane O har’ a rōna. Moporfeta, Moprista, le Morena, empa Molimo a le Mong.

<sup>190</sup> Lefatšeng Eèna mohlang oo, E ne e le Moporfeta, Lentsoe. “Paki e tšepehang,” Bibele e Mo bitsa joalo, hamamorao. Paki e tšepehang, ke moporofeta. E ne e le Moprista, athe mohla... joale Ke Moprista, mohla A tlang, E tla be e le Morena.

<sup>191</sup> Haeba le ka tšeleta koana, balang Tšenolo 15:3, le ka bona ho Tšenolo 15:3. Ha re phetleng re bone seo A... hore E tla ba Morena na, hore mohla A tlang Ke Morena na. Joale re tšeleta ho Tšenolo, khaolo ea 15 le e—e temana ea 3.

*’Me ba bina sefela sa Moshe mohlanka oa Molimo, le sefela sa Konyana, ba re, E meholo e a babatseha mesebetsi ea hao, Morena Molimo o Matlaohle; litsela tsa hao li lokile hakakang ke ’nete feela, oho Morena oa bahalaleli.*

<sup>192</sup> Lefatšeng E ne e le eng? Moporofeta. Batho tsebile ka'ng hoba E ne e le Moporofeta? O entse pontšo ea Messia, eo e neng e le Moporofeta. Oh, ho bokoe Lebitso la Morena! Ba Mo fositse joang? Hoba ba ne ba shebeletse ntho e sele. 'Me O entse pontšo ea Messia, 'me ba hanne ho e utloa. E ne e le Moporofeta.

<sup>193</sup> Moshe o itse, "Morena Molimo oa lona o tla hlahisa Moporofeta ea joaleka 'na. Ekare ha ba sa utloe Moporofeta enoa, ba tla khaoloa har'a batho."

<sup>194</sup> Lefatšeng E ne e le Moporofeta, joale, kahobane E ne e le eng? "Paki ea 'nete e tšepehang ea Lentsoe la Molimo." Amen. E ne le Lentsoe la Molimo le bonahetseng.

<sup>195</sup> Mohalaleli Johanne, khaolo ea 1.

*Lentsoe le ne le le tšimolohong, 'me Lentsoe le ne le le ho Molimo, 'me Lentsoe e ne e le Molimo.*

*'Me Lentsoe le ne le etsoe nama, 'me la aha har'a rōna, . . .*

<sup>196</sup> E ne e le paki ea 'nete le e tšepehang ea Lentsoe la Molimo la Bosafeleng. E ne e le Lentsoe, e ne le Lentsoe la Molimo. 'Me, ka ho ba Lentsoe, E ne e le Moporofeta. Hoba Lentsoe la Molimo le tsoile le phalla ho Eèna. A tlameha ho bolela Ntho eo feela. "Nke Ke ka etsa letho ka Bonna, ha e se seo Ntate a Mpontšang ho se etsa. Ha se 'Na ea etsang mesebetsi. Empa Ntate ea ahileng ka ho 'Na, O etsa mesebetsi. 'Na le Ntate re Bang. Ntate oa Ka o ka ho 'Na," Jesu a rialo, Monna, Tabernakele.

<sup>197</sup> Molimo o ruile litlötla tse ngata: Jehova, Jehova-jire, -rapha. Manase. Oh, li ngata! O fupile mabitso a supileng a topollo, a lintlha li ngata. O na le litlötla tse ngata: Rose ea Sarone, Mohalalitoe oa Phula, Naleli ea Meso; Ntate, Mora, Moea o Halalelang. Hoo hohle. Empa Lebitso la Hae la motho le leng. Molimo o ne a ena le Lebitso le le leng feela, 'me e ne e le "Morena Jesu Kreste."

<sup>198</sup> Mohla A ne a hlah, Kreste, Morena. Matsatsi a robeli hamorao, Moea o Halalelang oa bitsa Lebitso la Hae "Jesu." 'Mè oa Hae a o ne a Mo bolotse, a mo Mo rea "Jesu." O tsoetsoe e le Kreste.

<sup>199</sup> Ho a tšoana, le 'na ke tsoetsoe ke le Branham. Ke ne ke le Branham mohla ke tsoaloang, 'me ka reoa lebitso la "William."

<sup>200</sup> Amen. 'Me O tsoetsoe e le Kreste, Mopholosi. 'Me mohla A leng matsatsi a robeli, A reoa lebitso la "Jesu." 'Me E ne e le Morena oa Khanya, ea bonahetseng. Ka hona, Ke Morena Jesu Kreste, Molimo oa Khanya ea bonahetseng har'a rōna. Oh, ke eo moo A leng teng!

<sup>201</sup> Lefatšeng, E ne e le Moporofeta. Khanyeng, Ke Moprista. Ho Khutleng, Ke Khosi. Oh! Ke rata seo.

Moporofeta, "Paki e tšepehang ea Lentsoe."

Moprista, "Ka Mali a Hae ka Sebele ka pel'a Molimo."

Khosí, "Khosí ea bahalaleli." E seng khosi ea lefatše, joale. Ke Khosi ea bahalaleli. Re fumana likhosí tsa lefatše tse busang batho. Empa le rōna, re na le Khosi, le 'Muso. Boitšoaro ba rōna bo fapané ke hona.

<sup>202</sup> Ho tšoana leha ke boletse nakoana e fetileng, malebana le mofumahali oa ka, re ne re nyolohela mona lebenkeleng 'me ra bona mohlolo, nka rialo. E ne e le lehlabula, mosali o ne a apere mose. 'Me ka re, "Ho a makatsa." Ka re, "Hola ke tšoere khamera, nka be ke katlatsa mosali senepe." Ua bona? Hobane re... E le mosali oa pele eo re 'moneng a apere sekhete, u a tseba, a apere kamoo mofumahali a tlamehang ho ba kateng, basali bohle.

<sup>203</sup> A re, "Be, hobaneng ho le joalo, Bill, ha batho ba rōna ba apara, na ke hobane re a—re a laeloa?"

<sup>204</sup> Ka re, "Ha se batho ba rōna. Ke batho ba Molimo. Batho ba Molimo, e qosa khalalelo."

Ho re, "Be, na ha ba tsamaee kereke?"

<sup>205</sup> Ka re, "Ho na le mofumahali *mono*, eèna o bina khoaereng ea kereke e itseng mona."

"Be, ebe, seo ke hobaneng?"

<sup>206</sup> Ka re, "Ke kahobane a sa rutoe ho fapaneng." Ke hantle haholo.

<sup>207</sup> Ke eo kereke eo ea nama, eo re tla kena ho eona vekeng ena; Kereke ea moea, kereke ea nama. Tsohle li hoholoa li khutlela ho bommè likereke. Bibele e boletse, ho Tšenolo 17, hore li tla e etsa. Li a khutla hona joale, tsona kaofela, li itšoara joaleka eona, ho hlaphisa. "Be ntho e *itseng*... Re a hlaphisa. Re *sena* 'me re *sane*." Tšimolohong ho ne ho se joalo. Ho amoha kereke matla oohle le ho a hloma holim'a bishopo kapa mopapa. Molimo o ka har'a Kereke ea Oona, har'a batho ba Oona, ho Iponahatsa ka phuthèho le hohle, joale. Empa letsatsing lena...

A re, "Be, na ha re Maamerika?"

<sup>208</sup> Ka re, "Che. Re phela mona, empa ha re Maamerika. Re Bakreste. 'Muso oa rōna ke oa Hölimō."

<sup>209</sup> 'Me ha maphelo a rōna a tsoa hōlimō Koana, re itšoara joalo. Hobane, re tsoa... Bophelo ba rōna bo tsoa Tulong e halalelang. Bo shebeha bo fapané. Bo apara ka ho fapaná. Mosali hōlimō Koana moriri oa hae o molelele. 'Me ha ba tlole pilo sefahlehong sa bona. 'Me—'me ha ba apare lishotso. Bao—bao ba apara likhete, le liaparo tse telelele le mese. 'Me ba meriri e melelele, le lintho. Ka hona e—e semelo sa eona, se tsoang hōlimō Koana, se boela se halimisoa holim'a rōna.

<sup>210</sup> Banna ha ba tsube, ho poroma, ho bua leshano, ho utsoa. Ba tsoa, meeaa ea bona, e tsoa Tulong e halalelang, e ba qosa ho itšoara khalalelo, ho tšoarana joaleka baena. Uh-huh. Ke eona.

<sup>211</sup> Re litho tsa 'Muso, 'me re na le Khosi. 'Me Ke Khosi ea bahalaleli. 'Me lentsoe *mohalaleli* le tsoa lentsoeng la "ba halalelitsoeng." Ka hona motho ha a halalelitsoe, Kreste, Moea o Halalelang o kena pelōng 'me o fetoha Khosi holim'a ntho eo. Oh, khili! Taba eo e lokela ho otla botsekeng. Oh! Mohla lefiso le halalelitsoeng la Molimo . . . Kreste, Khosi, Moea o Halalelang, o a kena. 'Me Eèena . . . Khosi e na le 'muso oa Eona. Amen. 'Me bothō ba hao bohle bo laoloa ke Khosi ea bahalaleli. 'Muso! 'Muso o mong le o mong oa lefatše o tla sisinngoa, ho heletsoa ke matla a atomo. Empa Bibele e re, "Rōna re fuoa 'Muso o ke keng oa sisinyeha." Amen. Ke Eo, Khosi ea bahalaleli.

<sup>212</sup> Ke le batla le lemohile lipapiso tsa Kreste, hape, ka Bibeleng le mona lefatšeng. Lefatšeng, E ne e le Moporofeta. Le lumela seo? [Phutheho e re, "Amen."—Mong.] Moporofeta ke Lentsoe. Re tseba seo. Lentsoe *moporofeta* le bolela "mokoaholli ea khethethileng oa Lentsoe." Lentsoe le khethethileng le ngoliloe, 'me moporofeta o ruile Moea o khethethileng oa Molimo ka ho eèena. 'Me, ua tseba, moporofeta ka ka har'a Testamente ea Khale o ne a bitsoa "molimo." Ba bakae ba e tsebileng?

<sup>213</sup> Jesu o itse, "Ekare ha ba bitsitse bao melimo . . . Na ha ho a ngoloa, molaong oa lona, ha thoe ho bao, 'Le melimo'?" 'Me ekare ha ba bitsitse bao Lentsoe la Molimo le tlileng ho bona 'melimo,' moporofeta, le tla Nqosa ka'ng ha Ke Ipitsa Mora Molimo?"

<sup>214</sup> Hobane, o ne a bitsoa "molimo," kaha Lentsoe la Molimo le ne le ahile ka ho eèna, HO RIALO MORENA. Ka baka leo, lentsoe *moporofeta* le bolela ho re, "koahollo ea hae—hae ha e a lokela ho tsoakoa le letho." Ua bona? Haeba Molimo . . . O re, "E mong ha a le teng har'a lona, e leng motho oa moea, leha e le moporofeta, 'Na Morena ke tla bua le eèna. Ha seo a se bolelang se hлаha, mo utloeng he, hobane Ke na le eèna. Empa ekare ha se sa hлаhe, le se ke la mo utloa; ha Ke a ka ka mo roma." U ka e tseba joalo ke hona. 'Me hape, ua bona, koahollo e khethethileng ea Lentsoe e tlamèha ho nyallana le tšenolo ena ea ho qetela ho kereke.

<sup>215</sup> Ke Molimo, ea Matlahole. Lefatšeng, E ne e le Moporofeta, e leng ntsu. Ba tsebang moporofeta a 'nkuoa e le ntsu ba ba kae? [Phutheho e re, "Amen."—Mong.]

<sup>216</sup> Ntsu re e fumana e le nonyana e matlahali ho feta, e senatlahali. Mapheeo a tse ling a saroloha maoto a leshome le metso e mene, ho qala ntlheng ho isa ntlheng. E ka thakhoha ea fofela hōlimō-limo hoo ha nonyana e 'ngoe e ka leka ho e sala morao, e ka phatloha, masiba a eona a tla hlotheha 'me e ka qhaqholoha. Hobane hobaneng? E bopiloe ka ho ikhetha. 'Me ho nyolohela hōlimō ha eona hakaalo ho e thusa'ng haeba e sa bone seo e se etsang mohla e fiohlang hōlimō mono? Le bua ka leihlo la phakoe? Ekare u ka bona leihlo la ntsu.

<sup>217</sup> Phakoe e ka khona, e ka bona tsuanyana. Ke hantle. Ke bona bothata ba liphakoe tsena tsa kajeno. Uh-huh. Empa, ke a le

bolella, ntsu e a tsamaya, hola phakoe e ka leka ho e sala morao, e tla shoa. E tla bipetsana. E ke ke ea kena lipakapakeng tse kenoang ke ntsu.

<sup>218</sup> 'Me hape leihlo la eona, e bona hole hakana, hoba e fihle hōlimō mono. Ke lona lebaka leo Molimo a reileng *baporofeta* ba Hae, "lintsu." E nyolohela hōlimō mono, 'me ke ntsu. E khona ho bona, hole koana.

<sup>219</sup> 'Me Kreste, lefatšeng, e ne e le Ntsu. Mohla A ne a shoa, E ne e le Moprista, ka hona hoo ha Mo etsa Konyana. Na ho joalo? [Phutheho e re, "Ke hantle."—Mong.] 'Me mohla A boelang a khutla, Ke Khosi, ha ho le joalo E tla be e le Tau, amen, Tau ea leloko la Juda. Amen. Ke Ntsu, Konyana, le Tau; amen; Ntate, Mora, le Moea o Halalelang; Moporofeta, Moprista, le Khosi; Ea neng a le teng, ea leng teng, le ea tla 'na a be teng; ea Matlaohle; Alfa le Omega, ho tloha tšimolohong ho ea qetellong, Molimo Rabosafeleng.

<sup>220</sup> Ke batla ho le botsa, bang ba lona batho ba khabane ba Katolike, hoo le ho bitsa, "Bomora Bosafeleng ba Molimo; Molimo, Bomora Bosafeleng ba Jesu Kreste ho Molimo." Le ka hlahisa lentsoe le joalo joang? 'Na ke sethoho, ke tšoere thuto ea garata ea bosupa, empa ke tseba hantle ho feta moo. Lentsoe mora le tlamèha ho ba le qalo. Ka baka leo E ka ba Rabosafeleng joang 'me e be mora? Bosafeleng ha bo na qalo leha e le qetello. Ka baka leo, E ke ke ea eba mora, mora oa Bosafeleng, 'me a nt oo ba le qalo, hoba ntho e kang mora oa Bosafeleng ha e eo. Mora o bile le qaleho, ka baka leo a ke ke a hlola ka Bosafeleng.

<sup>221</sup> U a bona, Ke Molimo Rabosafeleng, e seng mora oa Bosafeleng. Thoriso! Ea Matlaohle, Jehova-jire, Jehova-rapha, ea bonahetseng nameng, "Botlalo bohole ba Bomolimo bo ne bo ahile ho Eèna ka 'mele."

<sup>222</sup> 'Me ka Tsatsi la Pentekosta, mohla Topallo eo ea Mollo e theohelang holim'a batho, na le eleletsoe, E ile ea Ikarola? 'Me maleme a Mollo a lula holim'a e mong le e mong oa bona. Mollo, o kang maleme, oa lula holim'a e mong le e mong. Molimo o ne a etsang? A Ikarola kahara Kereke, har'a e mong le e mong, ho nea basali, banna, le bao bohole; e ne e likarolo tsa Moea oa Hae, ho Ikarola har'a Kereke ea Hae.

<sup>223</sup> Motho a ka fihla joang a re, "Monna ea halalelang ke mopapa. Monna ea halalelang ke mobishopo"? Monna ea Halalelang ke Kreste, Moea o Halalelang ka ho rōna. U ka rialo joang oa re phuthēho ha e na lentsoe? E mong le e mong oa lona a ka bua. E mong le e mong o na le mosebetsi. E mong le e mong oa lona o tlamèha ho jara Molaetsa. Thoriso!

<sup>224</sup> Moea o Halalelang o Ikarotse ka Tsatsi la Pentekosta. Molimo, oa Ikarola. "Ka tsatsi leo le tla tseba hobane Ke ka ho Ntate, Ntate o ka ho 'Na; 'Na ke ho lona, le lona le ka ho 'Na."

<sup>225</sup> “Ka tsatsi leo,” Moea o Halalelang, “holim’ a bohle, ka ho bohle, ka bohle.” Amen. Ke eo. Moea o Halalelang o na le tokèlo ho tsamaea hohle moo A batlang, holim’ a mang le mang eo A mo batlang. Ha u a lokela ho nka seo bishopo kapa moprista a se buang. Ke Eèna Moprista oa rōna a inotši, hantle, Moprista e Moholo. Joale: Moporofeta, Moprista, le Khosi.

<sup>226</sup> Joale:

*Le . . . Jesu Kreste, paki e tšepehang, . . . letsibolo la tsoho ea bafu, . . . (Re tla kena mono) . . . le morena oa marena a lefatše. Ho ea re ratileng, ea re hlatsoitseng libe tsa rōna maling a hae,*

<sup>227</sup> Lentsoe *hlatsoitseng* mono, ka nèpahalo, ka Segerike, le bolela “ho lokolla.” O re lokoletse ho . . . Re ne re bofeletsoe lefatšeng, ke sebe sa rōna. Re sa khone ho bona, re sa utloe, re se na kutloisiso ea Leholidmō kapa le letho. Empa eitseha Mali a theoha, A khaotse thapo ‘me ra lokolloa. Oh!

<sup>228</sup> Nkile ka bala pale, eona . . . e ka khohlela hantle mona. Mopolasi o kile a qhautsa lekhoaaba ‘me a le tlama. ‘Me a re, “Ke tla ruta makhoaaba a mang molao.” Eaba o tlama lekhoaaba la khale, homme moomong, ka khoele, ‘me nthoana ea khale ea batla e bolaoa ke tlala. Le tšerema haholo, le batla le sa khone le ho tsamaea.

<sup>229</sup> Ke eona taba, e meng ea mekhatlo ena le likereke, e bofeletse batho fatše. “Ha e khonahale feela! Be, le ka tsamaea bohole *bona* feela. Matsatsi a mehlolo a fetile.” Yaa. Le mpa le tlamiloe. Ke phetho. “Ha ho ntho e kang Moea o Halalelang. Ha A sa bua ka lipuo joalekaha A ne a etsa.”

<sup>230</sup> Ke Molimo. “E ne e le eèna maobane, kajeno, le ka ho sa feleng,” Baheberu 13:8, ho phela kahara likereke tsohle. Re tla fihla ho eona ka mora malulo a hoseng hona. Ua bona? Ke Molimo, o phelang mongoaheng o mong le o mong oa kereke. O tla phela mongoaheng o mong le o mong oa kereke, ho phela ka har’ a batho ba Oona, ho phela ka Bosafeleng. Hobane hona joale, ka ho rōna, re ruile Bophelo Bosafeleng.

<sup>231</sup> Ka baka leo, bolumeli bona bo mo bofile, ua bona, “Be, matsatsi a mehlolo a fetile. Ntho e kang pholiso ea Khalalelo ha e eo.” Thaka la khale keha le qhiletsa ho fihlela le batla le sa khone ho tsamaea.

<sup>232</sup> ‘Me eaba tsatsi le leng ho feta monna ea lokileng, ‘me a re, “U a tseba, lekhoaaba leo la khale, ke hlile ke le utloela bohloko. Ebile, fale ekaba le jele mabele a hae, empa le iphelisa ka mokhoa oo. Le tlamèha ho ja ho hong. Le ne le sa tsebe phapang, le lula ka ntle mono le itjèlla mabele.” Haeba le ejá ntho ea hae . . . Eaba o tšoara thiqa ea hae a lokolla lekhoaaba la khale. ‘Me u a tseba . . .

<sup>233</sup> Makhoaaba a mang ke ana a e fihla, a fihla koo, ho re, “Tloo, Johnny Crow. Ha re fallele Boroa. Serame se se se tla fihla.”

<sup>234</sup> Le a tseba ke'ng? Lekhoaba leo la itsamaela nakoana feela ka ntle mono. Le itse, "Nke ke ka khona. Ha se eona, ha e a etsetsoa rōna tsatsi lena. Re—re mpa feela re ke ke ra e khona." Ua bona? Esale le tlamiloe halelele hakana, le hopotse hobane le sa tlamiloe. Ua bona?

<sup>235</sup> 'Me le batho ba bangata ba joalo, le tlamiloe ke litumeloana le ke malumeli, ho tsoa ho 'mè oa khale oa seōtsoa morao mono, le a bolelloa ho thoe, ho re, "Jesu Kreste ha e sa le eèna. Pholiso ha se ntho e teng. Kolobetso ea Moea o Halalelang ha se ntho e teng. Lintho tse joalo ha li eo." Ho leka ho le bolella tsona. Le tlamiloe halelele le bile le ikhopola le sa tlamiloe.

<sup>236</sup> Monna ea molemo, Kreste, o nehetse Mali a Hae hore A tle a re hlatsoe a re lokolle sebeng sa rōna. Sebe ke'ng? Ke tla kopa motho ho mpolella. Sebe ke'ng? *Sebe* ke "ho se lumele." Ke hantle. "Ea sa lumeleng o se a ntse a ahlotsöe."

<sup>237</sup> 'Me sebe sa hao ke sona feela se u thibelang ho lokoloha. Ke kahobane Molimo a u lokolotse ho se lumeleng ha hao, empa u tlamiloe ke litumeloana hoo u ikhopolang u sa tlamiloe. U bolaoa ke tlala, ua bona, ho qhiletsa hohle, "Ke Presbeteriene. Ke Methodise. Ke Baptise. Ba mpolella hore (Ke mo-Church of Christ), 'Matsatsi a mehlolo a fetile. Ntho e joalo ha e eo.'"

<sup>238</sup> Lekhoaba tooe u bolaoang ke tlala! Hobaneng u sa tle hoseng hona? Hobaneng u sa fofe oa ikela? Alleluia! "Phahama ka liphuka tsa meso, 'me u fofele Letsatsing la ho Loka, ho fumana pholiso mapheeong a Hae." Amen. Ke eona. Ke eona, moena, khaitseli. Oh! "Eo Mora a mo lokollang, o lokolotsoe ka 'nete." E, mongahli!

<sup>239</sup> "Be, molisa oa ka . . ." Ha ho letho le kang leo. Bibebe e u tlalehile u lokolotsoe. Ke hantle. U lokolotsoe.

"Kereke ea ka . . ."

<sup>240</sup> Be, ako lokolohe. "Ea re hlatsoitseng 'me a re lokolla malumeling a rōna, Maling a Hae ka Sebele," oa re lokolla hoo re ka inahanelang, ra itšebeletsa, ra ipuella, ra inkela ka borōna.

<sup>241</sup> "Be, ha nka khutla ka re ho molisa ke lokela ho kolobetsoa bocha, o ne a tla . . ."

<sup>242</sup> U reng ka, "U lokolohile"? Ena ke tšenolo, le a tseba. Ke hantle. U lokolohile.

<sup>243</sup> Haeba u kile oa fafatsoa ka bohashana ba letsoai le hlokohloang *tjena*, lebitso la "Ntate, Mora, le Moea o Halalelang," mona ho hlomiloe letša, le laotsoe hoseng hona, le tsetse metsi. Ua bona? E, mongahali. Ha e a loka.

<sup>244</sup> Ka hona, ha u sa tlanngoe. U lokolohile, empa u ka tšoana u sa e tsebe. Empa e re ke u boelle hoseng hona, Bibebe e itse, "U re lokolotse libeng tsa rōna, ho se lumeleng ha rōna, re tle re amohele Tšenolo ea Jesu Kreste." Ho ikela, ka tokoloho! . . . u tlamèha ho amoheloa seo kereke e se buang ka Lona. Nka seo

Molimo a se buang ka Lona. Tšenolo ea Hae e Mo senolang hore Ke Mang ke ena.

<sup>245</sup> “Esale ke lumela Molimo Ntate a le litelu li telele, tse tšoeu, moriri o mosoeu; ’me Mora e le monna oa lilemo tse bohareng; le Moea o Halalelang e le moshanyana ea rongoang.” Moena, boo ke bohetene. Ke bohetene, u lumela ho Melimo e meraro.

<sup>246</sup> Oona Molao oa pele, Molao oa pele ke ofe? “Utloa uena, oho Iseraele: Ke ’Na MORENA Molimo oa hao, Molimo o nnotsi.” Ke eona.

<sup>247</sup> Ke Molimo o ’notsi, e seng melimo e meraro. O phetse ka liofisi tse tharo, ho sebetsa libakeng tse tharo. Ke Moporofeta, Moprista, le Khosi. Ke Ntsu, Konyana, le—le Tau. Ke Mohalalitoe oa Phula, Rose ea Sarone, Mohalalitoe oa Phula, le Naleli ea Meso, Motso le Lehlomela la Davida. O qala ho A ho fihla ho Z. Ke Ntate, Mora, le Moea o Halalelang. Ke ntho eo eohle, empa O Mong. Ke Molimo o le mong. Tseo ke littlōtla tsa Hae tse lebahaneng le Eèna, empa ho na le Molimo o le mong.

<sup>248</sup> Ha ho eso hlahe motho, leqepheng lefe la Bibebe kapa nalaneng efe feela, ha e se hofihlela mohla kereke ea Katolike, ea kileng a kolobetsoa ka ho qoelisoa ka lebitso la “Ntate, Mora, Moea o Halalelang.”

<sup>249</sup> Ha u ka mpontša leqephe kapa letho, u e ngole, e bee pel’ a ka mona, bosiung bona, ’me ke tla tsoa kerekeng ena, ke re, “Ke moikaketsi; ke rutile batho phoso.” Ha u ka mpontša sehlooho se le seng sa Lengolo, kapa oa ntlisetsa nalane e le ’ngoe, nalane e nefalitsoeng, e ka ntšupisang batho ba kileng ba kolobetsa, ka Bibeleng, ka lebitso la “Ntate, Mora, Moea o Halalelang.” Kapa, u ntlisetse seratsoana, kapa buka e le ’ngoe ea nalane, leqephé le le leng, qots e le ’ngoe nalaneng, moo mang a kileng a kolobetsoa ka lebitso la “Ntate, Mora, le Moea o Halalelang,” ho fihlela Lekhotla la Nicene la kereke ea Katolike. Tloo, ntlisetse eona; ke tla qhoaela letšoao sekotlong sa ka ’me ke haole le Jeffersonville, ’me uena u nke lenaka u ntšale morao, u ntse u butšoela. Ke tla ngola mono, “Moporofeta oa bohata, ea khelosang batho.”

<sup>250</sup> ’Me, molisa, ha u le teng hoseng hona, u ne u tla etsa joalo, u tlamehile ho ntumella ho u sebetsa joalo. Ua bona? Tloo, mpontše. Empa u a tšaba.

<sup>251</sup> Joale, ke eng? *Ena* ke Tšenolo. *Ena* ke Tšenolo. ’Me oona ke Moea o Halalelang, Kreste, ea romelang Molaetsa oa Hae likerekeng. O utloeng. O utloeng. Ke seo Bibebe e se rutang.

<sup>252</sup> E kene le kae? Ha eba le sa tl’o halefa, la ngala, tsamaong ea veke, le—le nke Makhotla a Nicene. Nkang *Babilona Tse Peli* tsa Hislop. Nkang . . .

<sup>253</sup> Joale, nalane ea Josefase e itoketse, empa o ngotse seratsoana se le seng feela ka Kreste, ho re, “Ho kile ha hlahe monna ea tsamaileng hohle a bitsoa Jesu, a folisa batho. ’Me—’me a ntoo

shoa, leha e le, che, Pilato o ile a mo bolaea, 'me—'me, kapa Heroda, kapa o ile a mo bolaea. 'Me eaba barutuo ba tloha 'me ba utsoa setopo sa hae, 'me ba se pata. 'Me ba tsoa bosiu bo bong le bong ba khaola leqa ho sona 'me ba le ja." Ho re, "E ne e le malimo." Ka hona, ba ne ba ej a selallo, u a bona. Kelello ea nama! Josefase ha se motho ea ka mameloang.

<sup>254</sup> Empa nkang *Buka Ea BASHOELATUMELO Ea Foxe*. E netefalitsoe ka nèpahalo. *Buka Ea BASHOELATUMELO Ea Foxe*, ba bakae ba e balileng? [Phutheho e re, "Amen."—Mong.] Ehlide. *Mongoaha E Qalang ea Pember*, kapa—kapa *Babilona Tse Peli* ea Hislop, kapa—kapa tse ling tse kholo tse netefalitsoeng ka nèpahalo. Kapa, e—e kholohali eo re e fumanang ke Lekhotla la Nicene, Lekhotla La Pele Ho Nicene le Lekhotla la Nicene. 'Me le fumana mono, taba eo ha eso hhalosoe, ha ho batho.

<sup>255</sup> Nkang Mangolo a Halalelang 'me le bone ha eba motho a kile a kolobetsoa ka Bibeleng, ho sebelisoa liltlōtla tseo, lebitso "Ntate, Mora, le Moea o Halalelang." Le hhalosa melimo e meraro. Ke tšebeletso ea bohetene. 'Me Bokatolike ha se letho lefatšeng empa ke e—e tšobotsi ea Bokreste ba bohotene. 'Me kerekeng ea Katolike ho tsoile Martin Luther, John Wesley, Baptise, Mapresbeteriene, le ba joalo.

<sup>256</sup> Empa matsatsing a qetelo ha behoa monyako mono, oa boela oa bulela 'Nete, ho re, "Bibebe e itsalo," 'me ho na le moporofeta e moholo ea neng a tla fihla lefatšeng matsatsing a qetelo. 'Me re mo lumela a tla fihla. Shebang. 'Me o tla ba le Kereke. Joale, re tla bona sena, joale.

<sup>257</sup> Joale, hopolang, ena ke Tšenolo. Le ke ke la fokotsa ho Eona. Joale, ke phephetso e kakang! Fumana motho a le mong ka Bibeleng, sebaka se le seng moo ba kileng ba kolobetsa mang ka lebitso la "Ntate, Mora, Moea o Halalelang," kapa ba kileng bafafatsa motho, fumanang seo ka Bibeleng, tšoarelong ea libe tsa bona. Ha ba eso etse hoo. 'Me mang le mang, ho sa tsotelehe kamoo ba kolobelitsoeng kateng, ba ne ba lokele ho khutla le ho kolobetsoa, hape, ka Lebitso la "Jesu Kreste," ho amohela Moea o Halalelang.

<sup>258</sup> Liketso 19, "Pauluse a haola le mabopo a Efese a kahōlimō, a fihlela barutuo ba bang." A re, "Barutuo." Bona ba tšoore tšebeletso e kholo. Ba latetse monna ea bitsoang Apolose, e le ramolao ea sokolohileng; Mobaptise ea lumetseng Johanne Mokolobetsi, 'me a kholisa ka Mangolo hore Jesu e ne e le Kreste.

<sup>259</sup> Pauluse a haola 'me a bona Akila le Priscilla, khaolong ea 18 ea Liketso. 'Me a ntoo tloha ho ja tinare, kapa ntho e joalo, le Akila le Priscilla. Ba mo phethela tsa monna e moholo enoa. Ba tloha ho ea mo utloa. A mo mamela bosius boo. A re, "O itoketse haholo. Ke hantle haholo. Ho lokile. Empa," ho re, "na le amohetse Moea o Halalelang esale le lumetse?"

<sup>260</sup> Ho ka thoeng ka lona bafutsana ba Mabaptise morao mono, le lumelang le amohetse Moea o Halalelang *mohla* le ne le lumela?

A re, “Na le amohetse Moea o Halalelang *esale* le lumetse?”

Motho o na a re, “E ne e sa ngoloa ka mono.”

<sup>261</sup> Ke hanyetsa taba eo. Ke tšoere Segerike se netefalitsoeng mona, le Seheberu, hape. Bibele e rialo ka Segerike, le ka Seheberu, ‘moho, le ka Searamiki hape. ‘Me boraro ba tsona kaofela, ke li tšoere hantle mona, ho itsoe, “Na le amohetse Moea o Halalelang *esale* le lumetse?” Ke hantle. “Na le amohetse Moea o Halalelang *esale* le lumetse?”

<sup>262</sup> Joale, a re, “Ha re a ka ra tseba hore Moea o Halalelang o teng.”

Eaba o re, “Le kolobelelitsoe ho eng?”

<sup>263</sup> Ba re, “Re se re kolobelitsoe ke monna ea kolobelitseng Morena Jesu Kreste. Re kolobelelitsoe kolobetsong ea Johanne,” bolibeng ba metsi a le mang, mohlomong, “ke monna eèna eo.”

<sup>264</sup> Pauluse a re, “E ke ke ea sebetsa. O mpa a kolobelelitse pako, e seng tšoarelong ea libe.”

<sup>265</sup> Joale, bang ba lona batho ba Bonngoe le a tla ‘me—’me le kolobeletsa hoo, ke phoso. Le kolobeletsa, pholoho. Metsi ha a pholose motho; ke Mali, pako. Ha se ka kolobetso ea tšokoloho. Che, monghali. Tšokoloho e tlisoa ke Moea. Kolobetso ke e—ke pontšo e kantle ea mosebetsi oa tšokoloho e entsoeng kahare. Ua bona? Ho lokile. Lemohang.

<sup>266</sup> A re, “Na le amohetse Moea o Halalelang *esale* le lumetse?” Ba re . . .

A re, “Ha re tsebe hore Moea o Halalelang o teng.”

A re, “Le kolobelitsoe joang?”

Ho re, “Re kolobelelitsoe ho Johanne.”

<sup>267</sup> A re, “Ehlile Johanne o kolobelitse pako, pakong, a bolela ho re ‘le lumele ho Eèna,’ Konyana, Sehlabelo se neng se tla tla, ho Morena Jesu Kreste.” ‘Me eitse ha ba utloa Sena, ba kolobetsoa hape ka Lebitso la Jesu Kreste. ‘Me Pauluse a ba bea matsoho ‘me ba amohela Moea o Halalelang, ‘me ba bua ka lipuo ‘me ba porofeta.

<sup>268</sup> Mpolelleng le re hase Lengolo leo, ‘me le mpontše kae kapa kae, moo motho a kileng a kolobetsoa ka tsela esele ka Testamenteng e Ncha haese ka Lebitso la Morena Jesu Kreste. Mpontšeng.

<sup>269</sup> Mohalaleli Agabuse le ba bangata, ba bang ba ne ba le teng, ba neng ba kolobelitsoe hantle ho theohela mehleng ea e—ea e—ea Lekhotla la Nicene, ‘me e mong le e mong o kolobelitsoe ka Lebitso la Jesu Kreste. Baromuo ba ne phethotse masimo ka Lebitso la Jesu Kreste.

<sup>270</sup> Empa mohla Lekhotla la Nicene le neng le fihla, ba lokela ho bopa melimo e meraro. Ba theola Pauluse... kapa ba theola Jupitere, 'me ba nyolla Pauluse. Ba theola Venuse, 'me ba nyolla Maria. Ba ne ba bolokile melimo ea mefuta eohle, bahalaleli ba mefuta eohle le ntho eohle eseles, 'me ba bopa kolobetso ea boraro 'me ba e fepa Maprotestanta. 'Me le joale ba sa e khaqa.

<sup>271</sup> Empa joale Maseli a mantsiboea a chabile. Moporofeta o boletse, "Leseli le tla chaba nakong ea mantsiboea."

Ho tla—Leseli le tla chaba nakong ea  
mantsiboea,  
Tsela ea Khanyeng le tla e fumana ruri;  
Tsela-metsing, ho chabile Leseli kajeno,  
Ho patoa ka Lebitso le tlotloang la Jesu.  
Bacha le baholo, bakang sebeng sohle sa lona,  
Ruri Moea o Halalelang o tla kena ka hare;  
Maseli a mantsiboea a fihlile,  
Ke 'nete Molimo le Kreste ba Bang.

<sup>272</sup> Le a E lumela? [Phutheho e re, "Amen."—Mong.] Petrose o boletse, ka Tsatsi la Pentekosta, "Ho ke ho tsejoe, ke lona, ntlu ea Iseraele, hore Molimo o entse Jesu enoa, Eo le mo thakhisitseng, Morena le Kreste 'moho;" temana ea 16 ea khaolo ea 2. E. "Molimo o entse Jesu enoa, eo le Mo thakhisitseng, Morena le Kreste 'moho. Ntlu eohle ea Iseraele e ke e tsebe, ruri ke hona."

<sup>273</sup> Ho qoqeng le Mojuda nakoana e fetileng, holimo mona Tlung ea Davida, o itse, "Lona Balichaba le ke ke la khekhetra Molimo likoto tse tharo la Mo neeletsa Mojuda. Re tseba hantle ho feta moo."

<sup>274</sup> Ka re, "U boletse teng, Rabbi. Ha re khekhetra Molimo likoto tse tharo ho hang." Ka re, "Na u lumela baporofeta?"

A re, "Ehlile bo."

Ka re, "U lumela Esaia 9:6?"

A re, "E."

Ka re, "Ebe moporofeta o ne a bua ka mang?"

"Messia."

Ka re, "Kamano ea Messia le Molimo e tla ba efe?"

A re, "E tla be e le Molimo."

Ka re, "Ke hantle." Amen.

Ua bona, ke moo he. Ua bona, le ke ke la Mo khekhetra likoto tse tharo.

<sup>275</sup> Haeba lona baromuoan mona... E mong oa bona mona o etela Bajuda mona, ke a kholoa, monna enoa ea lutseng *mona*. Le se leke la tekela Mojuda letho la "Ntate, Mora, le Moea o Halalelang." O tla le bolella ka potlako, o tseba moo e tsoang teng, "Lekhotla la Nicene." A ke ke a e mamela. Empa aks mo supise moo Molimo o kileng oa etsoa nama, 'me ke Oona feela

Molimo o leng teng. Molimo, o entsoeng nama ka sebopeho sa motho 'me oa phela har'a rōna, ho re hloekisa; ho tlosa, hore Eèna ka Sebele a tle a kene ka sebopeho sa Moea o Halalelang. Molimo, Ntate, Moea o Halalelang, ke Motho a le mong.

<sup>276</sup> Bibebe e boletse mono e—e masikeng a Jesu Kreste, khaolong ea 1 ea Mattheu, E itse, "Abrahama a tsoala Isaaka. Isaaka a tsoala Jakobo." Ho theoha joalo, ha thoe, 'me eaba ho... E reng ke e bale, 'me ka hona le tla tseba seo ke buang ka sona. Mattheu, kagolo ea 1. 'Me re tla... Joale ha re qaleng ka temana ea 18.

*Ho tsoaloa ha Jesu Kreste ho tlie ka mokhoa ona: Maria 'maè... a lebelelitsoe ke Josefa, a tšoha a emolisitsoe ke... ba eso ho kopane.*

<sup>277</sup> "Molimo Ntate"? Na e baloa joalo? [Phutheho e re, "Che."—Mong.] A tšoha a emotse Ngoana oa Mang? ["Moea o Halalelang."] Eona... [Sekheo lebanteng.] Ke itse Molimo Ntate e ne e le ntate oa Hae? E tla ba, Molimo, Ntate le Moea o Halalelang, ke Moea o le mong, ho seng joalo O ne a ena le bontate ba babeli.

*Josefa monna oa hae, kahobane e le motho ea lokileng,... a sa ratisise ho mo hobosa, a hopola... mo lahla sephiring.*

*Empa eitse ha a sa hopotse teng, bonang, lengeloi la Morena la mo hlahela teng ka toro, la re, Josefa, mora Davida, o se ke oa tšaba... ho inkela Maria mosali oa hao: hobane se emotsoeng ke eèna ke sa...*

<sup>278</sup> "Molimo Ntate"? Huh? [Phutheho e re, "Che. 'Moea o Halalelang.'"—Mong.] "Moea o Halalelang." Ebe Ntata' Jesu Kreste e ne e le mang? ["Moea o Halalelang."] Moea o Halalelang. Se leng ka ho lona ke Eng? ["Moea o Halalelang."] Be, ke Molimo eo, Ntate, hape. Hase Eèna? ["Amen."] Ehlide.

*O tla tsoala mora, 'me o ea mo rea lebitso la JESU:...*

<sup>279</sup> Molimo Ntate ke enoa, Molimo Moea o Halalelang ke enoa, 'me Molimo Mora ke enoa, ua bona, melimo e Meraro. Bibebe ha e bue. Bobeli bona e tlameha ho ba ntho e le 'ngoe, ho seng joalo O ne a ena le bontate ba babeli. Ua bona? A ke ke a ba le bontate ba babeli. Le tseba seo.

*Joale, o tla tsoala mora, 'me ba ea mo rea lebitso la JESU: hobane ke eèna ea tla pholosa sechaba sa hae libeng tsa sona.*

*Hohle hoo ho hlahile, hore ho etsahale ho boletsoeng ka Morena ke moporofeta, ea itseng,*

*... moroetsana o tla emola, a tsoale mora, 'me lebitso la hae o tla bitsoa Emmanuele, ke hore ka phetolelo, Molimo o na le rōna.*

<sup>280</sup> Eo ke khaolo ea 1 ea Mattheu.

<sup>281</sup> Mattheu 28:19, moo Jesu a itseng, “E-eang, le kolobetse ka Lebitso la Ntate, Mora, Moea o Halalelang.” Lebitso la Ntate, Mora, Moea o Halalelang ke mang? [Phutheho e re, “Jesu Kreste.”—Mong.] Jesu Kreste, ehlile bo.

<sup>282</sup> Le ee le bale pale ea lerato, ha thoe, “Eaba Johanne le Maria ba phela ka thabo ka mora moo.” Ebe Johanne le Maria ke bomang? Le mpe le khutlele morao qalong ea pale, ’me le fumane.

<sup>283</sup> Ha eba ho se ntho e kang, ho se lebitso, “Ntate, Mora, kapa Moea o Halalelang,” ebe ke Mang, ke Lebitso la Mang? Khutlelang morao, mathoasong a pale, ’me le bone hore O ne a bua ka Mang.

<sup>284</sup> Petrose, ka Tsatsi la Pentekosta, o itse, “Bakang, e mong le e mong oa lona, ’me le kolobetsoe ka Lebitso la ‘Jesu Kreste’ tšoareleng ea libe.” O ne a fumane tšenolo.

Johanne o ne a fumane tšenolo.

<sup>285</sup> Jesu e ne e le Tšenolo, O ile a Itlhahisa hantle mona Lengolong, “Ke Ea neng a le teng, ea leng teng, le ea tla ’na a be teng, ea Matlaohle.” Shuu! Ho lokile.

<sup>286</sup> Joale, ha re nkeng temana ea bo 7, ka potlako joale, pele re tsoa, ka potlako eo re ka e khonang.

...ea Matlaohle.

...matl-... ho isoe khanya le matla kamehla le mehla.

Amen.

A...re bea marena le baprista ho Molimo...Ntatae;  
'me ho isoe khanya le matla kamehla le mehla. Amen.

<sup>287</sup> Le bona tšenolo eo mono, kamoo E senotsoeng kateng? Kamoo Molimo... Batho ba ingoaea lihlooho ba hlotha moriri oa bona, le lintho, ba leka ho fumana seo “Ntate, Mora, Moea o Halalelang” e leng sona, ho etsa boraro, bonngoen.

Le se hlothe moriri oa lona la ingoaea hlooho. Lelang hōlimō feela. Tšenolo e tsoa Hōlimō. ’Me ke hantle. O tla e senola, e se “Ntate, Mora, le Moea o Halalelang.” Ke liofisi tse tharo tseo Molimo o le mong o phetseng ka ho tsona.

<sup>288</sup> E ne e le ofisi ea, “Moea,” ka Boeèna, hobane motho o ntse a lepella. Eaba O Iketsetsa ’mele, ho phela ka ho oona, ho hlahisa Mali a Hae ka Sebele; e seng ka kopano ea bong, joaleka tšimong ea Edene, empa ho hlahisa ’mele o bopiloeng. ’Me ka ’mele oo o tsoetsoeng ke moroetsana, A nehelana ka Mali a re hlatsoitseng a re lokolotseng ho se lumeleng ha rōna, ho lumela ho Eèna. Ebe, re etsa hoo, re Mo amohela pelōng ea rōna, ke Molimo ka ho rōna; Molimo: Ntate, Mora, le Moea o Halalelang. Ua bona? Joalo feela ka Moporofeta, Moprista, le Khosi, ke ntho e le 'ngoe eo. Ke hantle.

<sup>289</sup> Joale, temana ea 7, ena ke tsebiso. Tsebiso e re:

*Bonang, o tla ka maru; 'me mahlo oohle a tla 'mona, . . . bona ba mo hlabileng: 'me ba mefuta eohle ea lefatše ba tla soaba ka baka la hae.*

<sup>290</sup> Oh! Re na le nako e kae? E ntle mono. Na le ka baballa metsotso e meng e mashome a mar- . . . e mashome a mabeli? [Phutheho e re, "E."—Mong.] Le ka khona? ["Amen."] Ke hantle. Joale, ebe, hosane . . . Bosiung bona, re tla leka ho tšoarana le ho setseng, *Pono Ea Patmose*, bosiung bona. Kajeno, re tla qetella ka tsebiso.

<sup>291</sup> Oh! Le thabile na? [Phutheho e re, "Amen."—Mong.] Na le rata litemana tsee tsa Bibele ea khale? ["Amen."] Ke Tšenolo. Eng, ke eng? Molimo o nanabela, ka har'a Buka ena, 'me o tlosa lesira, ho re, "Ke Eo: Moporofeta, Moprista, Khosi; Ntate, Mora, Moea o Halalelang; Ea neng a le teng, ea leng teng, le ea tla 'ne a be teng. Lintho tsena tsohle, Ke Molimo."

<sup>292</sup> Joale ha re tloseng lesira, metsotso e 'maloa feela joale, Morena a ntse a re thusa, ho tlosa lesira mahlong a rōna. Le ho fumana . . .

*Bonang, o tla ka maru; . . .*

<sup>293</sup> Joale, O tla joang? "Ka maru." Ke maru a mofuta ofe? Maru a khanya. E seng le leng la matolo ana, lerus la pula, empa maru a khanya.

<sup>294</sup> Shebang na O ne a khurumelitsoe ke maru a mofuta mong mohla Petrose le bao ba bonang pono ea Hae Thabeng ea Phetolelo, lerus la na la Mo khurumetsa. Liaparo tsa Hae tsa phatsima. A khurumetsoa ke lerus, matla a Molimo.

<sup>295</sup> Oh, re tla kena mono, mengoaheng ena ea likereke ka mona. Ke a le bolella, feela—feela e ntlhohlontša kahare, ho e nahana. Eng? O a tla. Ke bona letsatsi lena leo re phelang ho lona, moo ho seng letho, ho sa salang litšepo tsa letho haese ho Khutla ha Hae.

<sup>296</sup> Joale re tla tšoarana le sena ka potlako. Joale hopolang.

*. . . mahlo oohle a tla 'mona, . . .*

<sup>297</sup> Joale, eo e ne e se Hloibilo, he. Na e ne e le eona? [Phutheho e re, "Che."—Mong.] Ua bona? E ne e se Hloibilo. E ne e se Hloibilo. O ne a bua a lebisitse ho eng? Ho Khutleng labobel.

*. . . le bona ba mo hlabileng: 'me ba mefuta eohle ea lefatše ba tla soaba ka baka la hae.*

<sup>298</sup> Joale re tla khutla 'me re qotse nalane e itseng. Ha re khuttleleng ho Zakaria, 'me re nke khaolo ea 12 ea Zakaria. Zakaria. Ke hantle.

<sup>299</sup> "Le Morena a 'na a ekeletsa kerekeng letsatsi ka leng batho ba bolokehang." Re lebohela tšenolo e molemo ea Jesu Kreste hakakang! Na ha le a Mo thabela? [Phutheho e re, "Amen."—Mong.] Joale, sena re tla se kenya tšobotsing ea buka kapele kamoo re ka khonang, ho batho, 'me le ka e fumana, ho e bala

phaposing ea hao e khutsitseng le linthong, le ho e fuputsa, ka bo-ueno. Ke hantle.

<sup>300</sup> Zakaria, eona Zakaria, khaolo ea 12 joale ea Zakaria. 'Me re batla, ho tšoarana le taba ena ka thapelo e tiileng joale. 'Me hona ke ho batlela tlotliso ea Molimo. Joale, Zakaria 12, ha re qaleng temaneng ea 9. Mamelang ka hloko joale. O bua ka ho Khutla. Zakaria 12, le ho qala ka ea 9, temana ea 9.

*'Ka letsatsi leo . . .*

Zakaria, o a porofeta, lilemo tse makholo a mane le mashome a robeli a metso e supileng pele Kreste a fihla.

*Ka tsatsi leo, ke tla phehella ho timeletsa lichaba tsohle . . . tse futuhelang Jerusalema.* (E nahaneng.)

*Ke tla tšela teng holim'a ntlu ea Davida, le holim'a baahi ba Jerusalema, moea oa mohau le oa merapelo: 'me ba tla talima ho 'na eo ba mo hlabileng, . . .*

<sup>301</sup> Joale, Evangelie ee e khutlela neng ho Bajuda? Mohla ho felileng letsatsi la Balichaba, Evangelie e mothating, oa ho ea ho Bajuda. Oh, nka, hola nka khona, ho lepa feela nthoana e mathuleng a ho etsahala hantle mona, ua bona, hantle tsatsing lena. Ua bona? E mothating oa ho etsahala. Re e fumana Mongoaheng oa Kereke. 'Me nthohali ena e mothating oa ho etsahala, e tla tsoella e kene ho Tšenolo 11 'me e qotse baporofeta bao ba babeli, Elia le Moshe ba khutlelang Bajuda hape. Re itokiselitse eona. Ntho ka e 'ngoe e malulong, e itokisitse feela. Molaetsa oona oa Molichaba, joaleka Bajuda ha ba o tliselitse Balichaba, Balichaba ba tla o khutlisetsa ho Bajuda hape. 'Me Tloibilo e tla fihla.

<sup>302</sup> Joale le hopole, ntho e tla latela ena, ka mora matšenyeho . . . Kereke ha e fete Matšoenyehong. Re tseba seo. Bibele e a bolela. Ua bona? Ke hantle.

<sup>303</sup> Joale, O tla tšela holim'a ntlu ea Israele, (eng?) oona Moea o Halalelang, ua bona, ka mora ho falla ha Kereke ea Balichaba.

*. . . 'me ba talime ho 'na eo ba mo hlabileng, 'me ba tla mo llela, joalokaha eo ho lleloa mora ea tsoetsoeng a 'notši, ba hlomohe habohloko holim'a hae, joalokaha ho hlomohuoa holim'a ngoana oa letsibolo.*

*'Me ka tsatsi leo lillo li . . . ba kholo Jerusalema, . . . 'me li be joaloka lillo . . . sekhutlong sa—sa Megiddone.*

*'Me—'me lefatše le tla lla, ho lle masika oohle ka bonngoe; lesika la ntlu ea Davida ka bonngoe, le . . . lesika la ntlu ea Nathane ka bonngoe, le masika a mang ka bonngoe;*

<sup>304</sup> Mohla ba bonang, ho tla etsahalang? Se tla hlaha mohla A tlang ka maru a khanya, ponahalong ea Hae labobel. 'Me mohla

Bajuda bao ba Mo hlabileng... U a tseba, Lengolo le leng le re ba tla Mo botsa, "Maqeba ana U a nkile kae?"

O itse, "Ka tlung ea motsoalle oa Ka."

<sup>305</sup> 'Me e ke ke ea eba ho bokolla ha Bajuda ba Mo latotseng feelsa, joaloka Messia, empa ho tla bokolla le bona Balichaba ba setseng ka morao mona, ba amohetseng... ba Mo latotseng joaloka Messia oa bona oa letsatsi lena. Ba tla phohomèla ba bokolle. Baroetsana ba robetseng ba tla be ba phohomèla. Eo ke kereke e hanneng ho tšela Oli ka Leseli la eona. Ho tsoile baroetsana ba leshome, bohle e le batho ba lokileng, empa ba bahlano ba bona ba ena le Oli leboneng la bona. Ba bang ba bahlano e le batho ba lokileng, batho ba lokileng, empa ha ba ka ba tšela Oli leboneng la bona. "'Me ba lahleloa lefifing le kantle moo ho leng ho bokolla, le mephomèla, le litsikitlano tsa meno."

<sup>306</sup> Ke ena, "Ba tla bokolla." Bibebe e boletse mona, "Ba tla bokolla, 'me ba hlomohe hona! Ho be ho..."

<sup>307</sup> Mona, ke tla le fa le leng, Genese 45, ha le batla ho fihla ho lona. Ha re feteleng ho lona nakoana 'me re boele re bale seo ho Genese, eona... ke a kholoa, khaolo ea 45 ea Genese. Ke rata ho fumana sena mona, Josefa o itsebisa ho ba habo—ho batho ba habo. 'Me re tla nka sena, ho supa feelsa e—e lipapiso tsa se tla hlaha letsatsing leo, ke moo li tla ngomelana 'moho.

*Ebile moo Josefa a sitoang ho itiisa pontšeng ea... ba mo teetseng hare; 'me a hooa a re, Batho bohle... ho 'na ba tsoe.*

<sup>308</sup> Joale hopolang, Josefa, o a itsebisa, a hooa, "Batho bohle ba ho 'na ba tsoe."

*'Me ha ho a ka ha eba motho ea salang le eèna, ha Josefa a itsebisa banababo.*

*Eaba o phahamisa lentsoe a lla: 'me Baegepeta ba utloa le ba ntlu ea Faro ba mo utloa. (O tšoanetse a be ile a hooeletsa.)*

*Eaba Josefa o re ho banabao, Ke 'na Josefa; ana ntate o sa phela na? Empa banababo ba sitoa ho mo araba; hobane ba ne ba sisimoha ha ba 'mona.*

*Josefa a re ho banababo, Nkatameleng... 'na, hle. Ba mo atamela. A re, Ke 'na Josefa ngoanabo lona, eo... eèna eo le—eo le rekileng ka 'na ke tle ke isoe Egepete.*

*'Me joale le se no tsieleha, la itlhonamela, haele moo la na la rekisa ka 'na ka tla koano: hobane Molimo o nthomile kapele ho lona hore ke tle ke le pholose. (Oh, ho babatseha hakakang!)*

*Hobane lilemo ke tsena li se... tlala e teng lefatšeng: 'me... tseo ho tla ba, ho lema le ho kotula ho tlang ho bang sieo ho tsona.*

*Molimo o nthomile kapele ho lona ho le boloka  
lefatšeng, le ho le pholosa ka pholoso e kholo.*

<sup>309</sup> E reng joale ke tšoare 'me ke bapise hoo le Zakaria, oa 12, nakoana feela. Joale, re tseba seo, papisong. Haeba u ruta ka lipapiso, ke moo u tla lula o e nèpile, ke lekanya joalo, ka—ka papiso.

<sup>310</sup> Joale, Josefa, mohla a ne a tsoaloa, o ne a hlouoe ke banababo. Ho joalo na? [Phutheho e re, "Amen."—Mong.] Joale ke batla ho le bontša, Josefa o lekanya Kereke e tletseng Moea. Josefa o ne a hlouoe ke banababo. Hobaneng? Kahobane e ne e le motho oa moea. Josefa a ke ke a thusa letho kahobane a bone pono. A ke ke a thusa letho kahobane a lorile litoro, ua bona, 'me a ka koaholla litoro. Eèna, e le se neng se ahile ka ho eèna. A ke ke a pepesa letho lesele haese se neng se ahile ka ho eèna. Be, ka hona, banababo ba mo hloea, lebaka le le sieo. Empa a ratoa ke ntatae, hoba ntatae e ne e le moporofeta.

<sup>311</sup> Na le bona kamoo e hlahetseng Jesu kateng? Molimo o no o rata Mora oa Oona. Empa banababo, Bafarasi le Basalusi, ba Mo hloile, kahobane A khonne ho folisa bakuli, le ho lepa lintho, le ho bona lipono, ho fetolela. Le bona seo ke se bolelang? "Ba ne ba Mo hloile, kantle ho lebaka."

<sup>312</sup> 'Me Josefa ba mo entse'ng? Ba etsa mokana a shoele, 'me ba mo lahlela lemeneng. Ho nka kobo e netiloeng mali, e mebala e supileng, eo ntatae . . .

<sup>313</sup> Mebala ea mookoli e supile feela. 'Me mookoli, re tseba seo, re tla e fihlela ka mora nakoana, ke a kholoa, bosiung bona. Mookoli o holim'a Hae mona, Jesu, moo, "O joaloka jaspere le lejoe la sardone, le mookoli." Mookoli ke selekane.

<sup>314</sup> 'Me e le selekane sa Molimo holim'a Josefa. 'Me eaba ba neta kobo ea hae ka mali, 'me ba e khutlisetsa ho ntate. 'Me eaka o shoele. 'Me . . .

<sup>315</sup> Empa a nyolloa lemeneng 'me a hlahleoa kahara e—e . . . a rekisetsoa Faro, e mong Egepeta, 'me e—e mogenerale a mo baballa. 'Me hoba ba etse, eèna, lebote la tsoha khahlano le eèna, 'me a hlahleoa chankaneng. 'Me teng a porofeta, 'me a bolella banna ba babeli moo e mong a tla ea teng le moo e mong a tla ea; moqhatsetsi le e—le moapehi, ho latela litoro tsa bona.

<sup>316</sup> 'Me eaba o phahamisoa ho tloha mono, ho ea letsohong le letona la Faro. 'Me ho se ea ka amang Faro, haese ka Josefa feela. [Sekheo lebanteng—Mong.]

<sup>317</sup> Shebang sena joale, e . . . mohlang oo mohla Josefa a rekisetsoang Baegepeta. 'Me, le shebe, o bapisitse Kreste ka sohle seo a se entseng. Shebang moqhaqhetsi enoa le moapehi ka mono, 'me bobeli ba bona ba lora litoro. 'Me Jesu, mohla A ne a le tlung ea Hae ea chankana. Hopolang, Josefa o ne a le chankaneng. 'Me mohla Jesu a ne a le chankaneng ea Hae,

(joang?) ho totometsoa sefapanong, e mong o ne a bolokehe 'me e mong a timela. Josefa, mohla a ne a le chankaneng ea hae, e mong o ne a bolokehe, e mong a timela.

<sup>318</sup> 'Me le lemohe, hoba Jesu a theoloe sefapanong, A phahamisetsoa Leholimōng, le ho lula letsohong le letona la Moea o moholo, Jehova. "Ha ho ea ka tlāng ho Molimo haese ka 'Na." Bo ahe Maria ha ba eo, ha ho ea halalelang *enoa* kapa ea halalelang *eane*. Empa, ka Jesu Kreste, "'Muelli a le mong ea leng teng pakeng tsa Molimo le batho," 'mele o thekothata oo Molimo o no o ahile ho oona, har'a rōna, o nong o nkile Lebitso la Molimo. 'Me Molimo oa nka lebitso la motho. Molimo oa nka . . .

<sup>319</sup> Shebang mona. Tšimolohong, mohla Adama . . . Ha ke khone feelsa ho sutha nthong eo. Ekare o teng motho ea sa E tšoareng, kae-kae. Shebang. Tšimolohong . . . E re ke le bontše ntho e 'ngoe hape. Moea o Halalelang o ntemosa ho etsa sena. Ke tlohela sehlooho sa ka motsotsa. Mohla litaba tsa pele li fihlang Khanyeng, ho thoe mora o lahlehile, Adama, na Molimo o romile Lengeloi? Na O romile mora? Na O romile mang e mong? O tlide, ka Boeëna, ho lopolla mora oa Hae ea lahlehileng. Alleluia! Molimo oa se ke oa e tsepela ho mang haese Eëna. Molimo oa etsoa nama 'me oa aha har'a rōna, le ho lopolla motho, ka Boeëna. Ke ho re . . . "Re bolokiloe," Bibele e boletse, "ka Mali a Molimo." Ea busoang ke lefu, Molimo oa na oa . . . Molimo o sa busoeng ke lefu oa etsoa o busoang ke lefu, ho tlosa sebe, ho ba Konyana, ka Boeëna; ho kena Khanyeng, ho khurumetsoa, 'me Mali a Hae ka Sebele a Mo eteletse pele, ka nqane ho lesira.

<sup>320</sup> Joale, Josefa, o kena tlase Egepeta. 'Me teng a nyolloa chankaneng ea hae, ho isoa letsohong le letona la Faro, 'me a beoa mohlokomeli. 'Me sohle sa atlèha mehleng ea Josefa.

<sup>321</sup> Joale, mohla Jesu a khutlang, esita le lehoatata le tla thunya joaleka rosa. Eëna ke Mora katlèho, papiso ea Josefa.

<sup>322</sup> Ba ile ba kenya Josefa ka har'a . . . Mogenerale a mo kenya tlung ea hae; sohle seo a se entseng, o ne a atlèha. Ba mo hlahlela chankaneng, 'me chankana eohle ea atlèha. Sohle seo a se entseng, o ne a atlèha. 'Me eitseha a nyoloha, ea phahameng ka ho fetisia, oa Faro, haufi le Faro, ntho ka 'ngoe Egepeta ea atlèha ho fetisa sohle lefatšeng.

<sup>323</sup> Mohla A khutlang, e tla ba lefatše la katlèho. Mahoatata a khale a tla thunya, 'me lijo li tlale hohle. Re ka khona, e mong le e mong, ra lula tlās'a sefate sa rōna sa feiga, le ho tšeja le ho nyakalla, le ho phela kamehla ka pela Sefahleho sa Hae, mohla A khutlang e le Khosi.

<sup>324</sup> E ne e le Mora motho, Moporofeta. Amen. E ne e le Mora motho, Sehlabelo, Moprista. Ke Mora motho, joaleka Khosi, Mora Davida ea lutseng teroneng ea boholo ba Hae. Mora motho, O bo- . . . Molimo o bonahetse joaleka Mora motho. O theohile

'me a etsoa motho, ho tlosa sebe sa lefatše. A fetoha motho, joaleka Moporofeta. A fetoha motho, joaleka Moprista. A fetoha motho, joaleka Khosi; Khosi ea Leholimō, Khosi ea bahalaleli, Khosi ea Bosafeleng; esale e le Khosi, e tla 'ne e be Khosi, Khosi ea Bosafeleng.

<sup>325</sup> Joale lemohang, ke hona, Josefa. Pele Josefa a tsoa, ba lokela ho letsa terompeta, pele. 'Me batho ba hooeletse, "Obamelang Josefa ka lengole." Leha motho a ne a etsa'ng, leha a rekisa thepa seterateng, enereha terompeta eo e lla, a hlabe ka lengole. Motho ea mothating oa ho ntša chelete ea hae, empa o ne a hlabaka lengole, Josefa o ne a tla. Oh! Eèna m... e—e—moetsisi a le mothating oa ho nka khato, ebe o etsa'ng? O ne a lokela ho khaotsa. "Josefa o a tla." Terompeta e ne e letsoa.

<sup>326</sup> Ka le leng la matsatsi ana, sohle, esita le nako, e tla ema tsi. "Mohla terompeta ea Molimo e llang, 'me ba shoetseng ho Kreste ba tla tsoha, 'me ho chaba hoseng hoo ha Bosafeleng, bo hlakileng bo se nang maru." Ntho e 'ngoe le e 'ngoe e tla otla ka lengole. "Lengole le leng le le leng le tla khumama, le leleme le leng le le leng le E bolele."

Qalang hona joale. "Libe tsa batho ba bang li ba etella pele, tsa ba bang li ba sala morao."

<sup>327</sup> Empa joale lemohang se hlahileng. Hase le ho babatseha! Mohla Josefa he...hoba a nyale Molichaba 'me a hlahise leloko, Efraime le Manase, bara ba hae. Na le lemohile qetellong? Mohla Josefa...Jakobo o ne a qale a hlohonolofatsa Efraime le Manase. Eitse ha a qala a bea matsoho a hae, a emisitse Efraime ho le letona, Manase ho le letshali, letsoho le letona le tle le hlohonolofatse letsibolo. Empa eareha a qala a rapela, matsoho a hae a fapania, 'me a nea e monyenyan lehlohonolo la letsoho la hae le letona sebakeng sa ea neng a le ka letsohong le letona.

<sup>328</sup> 'Me Josefa a re, "E seng joalo, Ntate." Ho re, "U beile lehlohonolo holim'a Manase sebakeng sa holim'a Efraime."

'Me a re, "Ke Molimo o fapantseng letsoho la ka."

<sup>329</sup> Eng? Ho tloha ho Bajude, e moholo, bakhethoa ba Molimo ba pele, lehlohonolo le khutlela ho Balichaba ka Sefapano, ho fumana Monyaluo. Lehlohonolo le tlisoa ke Sefapano, ho tloha ho Mojode ho ea ho Molichaba. Ho latola! Ba latotse Sefapano, ka hona A inkela Monyaluo oa Molichaba.

<sup>330</sup> Joale mohla Josefa, pele ho sena, mohla a ne a...utloela ka banababo, bao... Esale ba arohana lilemo tse ngata, Mojude.

<sup>331</sup> Joale shebang. Re khutlela ho Zakaria joale, moo ba phohomelang, ho le seboko ho le sello. 'Me eista le masika a tla arohana le masika a mang, ho tsuoe, ho thoe, "Ebe re e khonne joang? Ra hla ra khona joang ho e etsa?" Etlare ha ba re, "Mehoabali eo U e nkile kae, metopa eo e matsohong a Hao?" esita le ba Mo hlabileng. "O tla tla ka maru. 'Me ba tla 'Mona,

esita le ba Mo hlabileng. 'Me ntlu e 'ngoe le e 'ngoe e tla bokolla, 'me ba tla phomomela." Ba ke ke ba tseba na ba etse'ng.

<sup>332</sup> 'Me mohla Josefa . . . Le tseba pale. Eitseha a bona banababo, 'me a iketsisa mokana a sa tsebe ho bua Seheberu, 'me a tlisa motoloki ho mo tolokela. 'Me a sa khone ho bua Seheberu, a iketsisa; empa o ne a batlile ho fumana. 'Me qetellong, tsatsi le leng, hoba ba tlise monyane oa hae, na le lemoohile? Benjamise e le eèna ea hotelitseng moea oa Josefa?

<sup>333</sup> Ke eng, kajeno, e tla hotetsa moea oa Hae, Josefa oa rôna, Jesu? Kereke e ncha eo esaleng e le tlase koana Iran, esale e bolokile melao ea Molimo. 'Me ke batho ba tsoetsoeng bocha ba phuthehetseng Palestina, le ho khutlisoa hape. Naleli eo ea Davida e lintlha li tselela, folaga ea khale ka ho fetisisa lefatšeng, sechaba se tsoetsoe lilemong tsa ho qetela tse 'maloa. Iseraele ke eo.

Lichaba li pshatleha, Iseraele e a tsoha,  
Lipontšo tsee Bibele e li boletseng;  
Matsatsi a Balicha a baliloe, ka tsietsi tse  
phophothang;  
Khutlelang, oho lona ba qhalaneng, habo lona.

Tsatsi la Topollo le haufi,  
Lipelō tsa banna li emisoa ke tšoho; (Shebang  
bohle ba jeo a methapo.)  
Tlalang Moea, mabone a lona a kutoe a hlake,  
Lelalang, topollo ea lona e haufi.

Baporofeta ba bohata ba thetsa, 'Nete ea  
Molimo ba e latola,  
Hore Jesu Kreste ke Molimo oa rôna;  
(Thoriso! Empa Tšenolo e tlile.)  
Re tla tsamaea mehlaleng ea baapostola,  
(Hantle feela tulong eo.)

Hoba Tsatsi la Topollo le haufi,  
Pelō tsa batho li emisoa ke tšabo;  
Tlalang Moea oa Molimo, mabone a lona a  
kutoe a hlake,  
Lelalang, topollo ea lona e haufi.

<sup>334</sup> Oh! Oh, Josefa, eitseha a bona Benjamine e monyenyanne a eme mono! Ke moena oa hae e monyenyanne eo. Na le bona Benjamine e monyenyanne eo holimo mono joale, hona koana, ea lutseng, hõlimõ koo. Merabe ea e—ea lefatše, ea Bajuda, ba khutletse mono moo ho tla fumanoa ho eme likekholo makholo a mane le mashome a mane a metso e mene a bona, ho amohela Kreste mohla ba Mo bonang a Tla. Ba tla re, "Bonang, enoa ke Molimo oa rôna esale re Mo shebeletse." Ke mohla bat la bona ho ea hlabiloeng . . . "Ana a tsoa kae?"

O itse, "Ka tlung ea motsoalle oa Ka."

<sup>335</sup> 'Me ba tla phohomela 'me ba lle. Lesika ka leng, merabe ea bona e leng ea Davida le ea Nefthalime le ea bohole, e tla ikhetha, leloko ka leng, 'me ba itelele mohla ba Mo bonang a eme mo sepakapakeng, Eèna eo ba mo hlabileng.

<sup>336</sup> Molaetsa oa Hae e tla ba ofe? Shebang seo Josefa a se buileng. Mohla a reng . . .

<sup>337</sup> Shebang ntho e 'ngoe. Hoba Josefa a emise bana bohole ka pela hae, a ba talima, a bona Benjamine e monyenyane. A bona Efraime, a ba bona kaofela ha bona mono, ba Gade le bao bohole. 'Me merabe e leshome le metso e 'meli, merabe e leshome mohlang oo, e eme ne e pela hae. A ba bona bohole ba eme mono. A tseba hobane e ne e le banababo. 'Me a shalima Benjamine e monyenyane, ka kotloloho, qoqotho ea hae ea qala ea tlalellana. A tseba hobane e ne e le ba habo. O ile a reng? "Motho e mong le e mong a tlohe ho 'na." Ha etsahala'ng ka mosali oa hae le ka bana? Ba kena paleising.

<sup>338</sup> Kereke ea Balichaba e tla ea kae nakong ea Hloibilo? E kena Paleising. Monyaluo, Alleluia, Monyaluo o tla tlosoa lefatšeng, Hloibilong. Etclare mohla A khutlang, Monyaluo oa Hae ha a eo mono mohla A Itsebisang baena ba Hae, Bajuda, bona ba Mo hlabileng, bao ba Mo latotseng. Empa mosali oa hae le moratuoa oa hae, metsoalle ea hae e haufi mono, molekane oa hae—oa hae ea rometsoeng se-Molimo o ka har'a tempele.

<sup>339</sup> 'Me eitse ha a sheba, a re ba ne ba . . . Keha ba sa tsebe. Ba re, "Oh, khosana e kholo ena!" Eaba ba qala ba re, ba bolellana, oh, mabapi le lintho tsena tseo ba li entseng.

<sup>340</sup> Ke a kholoa ke Efraime, kapa e sang Efraime, empa ke a lebala e ne e le mang joale, ea—ea itseng, "Be, re ne re sa lokela re be re bolaile moena rōna, Josefa." Ho re, "Le a bona, rea phetetsoa." Rubene, Rubene a re, "Re ne re sa lokela re be re bolaile moena oa rōna," ho re, "hobane, ua bona, ketso ea rōna joale e a phetetsoa."

<sup>341</sup> 'Me eaba Josefa o eme mono; ba sa hakanye a utloisia Seheberu. Empa o ne a se tseba.

<sup>342</sup> Ba bang ba nahana, ha ke khone ho bua . . . ho utloisia ho bua ka lipuo, empa ke Eèna ea tsebang hohle ka tsona. Yaa. O a tseba. 'Muso oa Balichaba o kena ka ho bua ka lipuo le ka liphetolelo, hloohong ea gauta (hlooho ea pele) pejana e oa. Lekhathe leo la pele la Balichaba le felisitsoe ke'ng? Mongolo o tläng ka leleme le sa tsejoeng leboteng, le monna mono ea khonang ho koaholla a bolela seo o leng sona. O tsoa ka ho tsoana. Amen. Ho kena le ho tsoa ka ho tsoana.

<sup>343</sup> Ba mo hopotse a sa utloisia lipuo tseo a neng a li bua, empa o li tsebile. Ba re, "Na le bona seo re se fumaneng?"

'Me eaba Josefa o ba bona hlonametse ketso ea bona.

<sup>344</sup> Joale O bona hlomoho ea bona le boikoahlaoe ba ho Mo latola, ka hona joale O na le sekaqa se katileng 'metso oa Hae. O mothating oa ho tlosa Kereke ea Hae lefatšeng, ho E kenya Khanyeng. A ntoo khutla, 'me merabe eohle ea lefatše e tla lla.

<sup>345</sup> Ba ile ba etsa'ng? Rubene, bao bohle, ba qala ba lla, ba re, "Oh! Oh!" Ba tšoha 'me ba re, "Enoa ke eèna. Joale re tseba re t'il'o phetetsoa. Joale o t'il'o re bolaea. Joale o... Rea tseba joale re t'il'o timetsoa, hobane eo ke Josefa ea re nyameletseng khale koana. Ke Josefa eo, moena oa röna, joale ehlile re t'il'o phetetsoa."

<sup>346</sup> A re, "Le se ke la itlhonamela. Molimo o e entse ho boloka bophelo."

<sup>347</sup> Molimo oa etsang? Hore'ng Bajuda ba latotse Jesu? E le hore röna Balichaba, e le, hore, sebakeng sa batho bao A ba bilelitseng Lebitso la Hae. Molimo o e entse ho boloka bophelo ba Kereke ea Balichaba, Monyaluoaa.

<sup>348</sup> Merabe eohle e Mo latotseng e tla lla. Ba tla itsoaketsa mesimeng, le mafikeng, le linthong, ho thoe, "Re pateng, le re oele holimo, lona lithaba." Ba E latotse, Eèna. Mefuta eohle ea lefatše e tla soaba ka baka la Hae. 'Me lesika ka leng la Iserael mono le tla ikhetha 'moho. Masika a tla ikhetha, le leng hole le le leng, 'me ho thoe, "Hore'ng re entse hoo? Re Mo latotse joang? Joang? Ke eo moo A emeng. Ke eo Molimo eo esale re Mo lebeletse. 'Me ke eo moo A leng teng, ka mehoabali ea lithakhisa matsohong a Hae, 'me ke röna ba e entseng."

<sup>349</sup> Ke hantle feela seo baena bao ba se buileng hantle tlase mono, mohla ba ne ba khutla ho thoe, "Josefa eo re mo rekisitseng, ke eo."

A re, "Ke 'na Josefa, moena lona, eo le rekileng ka eèna Egepeta."

<sup>350</sup> "Oh!" Ba ne ba tšohile. 'Me ba bokolla 'me ba soabile, 'me ba titimela e mong ho e mong, "Re ka etsa'ng?"

<sup>351</sup> A re, "Le se ke la itlhomohela, hoba Molimo ke ona o entseng hona hohle. Molimo o nthomile kapele."

<sup>352</sup> Molimo o bopile batho bohle; batho ba basoeu, batho ba batšo, batho ba basootho, batho ba basehla, motho e mong le e mong. Molimo o bopile motho e mong le e mong. O bopile Molichaba, o bopile Mojuda. O bopile bohle. Tsohle li etselitsoe khanya ea Hae. 'Me Bajuda ba ne ba tlamehile, ho E latola, ho tle ho 'nkuoe Monyaluoaa oa Molichaba.

<sup>353</sup> Ke morero oa lipapiso tsena tsohle. Ka baka leo Monyaluoaa oa Balichaba le mahlomela a Hae ooohle 'moho le Eèna, Kereke e khanyang eo ea pentekosta e hlatsoitoeng ka Mali a Konyana, ka matla ooohle a tsoho a phelang kahara bona, e tla phahama tsatsi le leng ka Hloibilo (ka nakoana, ka ho panya ha leihlo) ho tloha

ho ba ka pel'a Sefahleho sa Jesu, nakong eo A khutlang ('me a tlosa ntho ka 'ngoe) ho Itsebisa baena ba Hae.

<sup>354</sup> Shebang seo Lengolo le se buang mona, ho koaleng. Oh!

*Bonang, o tla ka maru; 'me mahlo oohle a tla 'mona,*  
(joale o bua ka ho Khutla labobeli, e seng Hloibilo), *le bona ba mo hlabileng:...*

<sup>355</sup> Khaolo ea 7, temana ea 1...Kapa, temana ea 7 ea khaolo ea 1.

*...mahlo oohle a tla 'mona, le bona ba mo hlabileng:*  
*'me ba mefuta eohle ea lefatše ba tla soaba ka baka la hae. E, Amen.*

<sup>356</sup> Eaba O hlahisa qotsa e kholo eo, e kholo. Enoa ke Mang? Ke Mang Enoa eo ba tla 'matla?

*Ke 'na Alfa le Omega, Ke 'na A ho fihla ho Z, (Segerike A ho fihla ho Z, nteteroane ea Segerike)...*

<sup>357</sup> Liketso 2:36, eona... Petrose o itse, "Ha ho lebitso le leng leo re le neiloeng tlas'a Leholimō leo batho ba ka bolokehang ke lona." Kapa, che, ke kopa tšoarelo; ke le qotsa ka phoso. O itse, "Ntlu eohle ea Iseraele e ke e tsebe ke hona, hore Molimo o entse Jesu enoa, eo le mo thakhisitseng, Morena le Kreste 'moho."

<sup>358</sup> Johanne 14:7 le 12, Thomase o itse, "Morena, re bontše Ntate, 'me e tla ba ho re lekane."

<sup>359</sup> Ho re, "Ke bile le uena nako e kalo, 'me ha u ntsebe?" Ho re, "Ea boneng 'Na o bone Ntate. U rialo joang, 'Mpontše Ntate?' 'Na le Ntate oa Ka re Bang."

<sup>360</sup> Nkile ka rialo ho motho. Mofumahali a re, "Motsotso feela, Mongh. Branham." Ho re, "Uena le mosali oa hao le bang, le lona."

Ka re, "Empa e seng joalo."

A re, "Ke kopa tšoarelo."

Ka re, "U a mpona na?"

A re, "Ehlile bo."

Ka re, "Na u bona mosali oa ka?"

A re, "Che."

<sup>361</sup> Ka re, "E tla ba ke ba mofuta o fapaneng. O itse, 'Ha u bona 'Na, u bone Ntate.'" Ka hona eaba hoo ho lekane.

<sup>362</sup> Ka hona ho Mohalaleli Johanne, kapa Johanne oa Pele 5:7 ho fihla ho 8, lona bohole ba le ngolang fatše. Johanne oa Pele 5:7 ho fihla ho 8, Bibele e boletse. Sebui, eëna monna ea ngotseng Tšenolo ena eo Jesu a mo neileng eona. O itse, "Ho le tse tharo tse pakang Leholimong: Ntate, Lentsoe (Lentsoe ke Mora)... Ntate, Lentsoe, le Moea o Halalelang, 'me tse tharo tsena ke ntho e le 'ngoe. Ho le tse tharo tse pakang lefatšeng: metsi, Mali, le

Moea, 'me li a lumellana; ha se ntho e le 'ngoe, empa li lumellana bonngoeng."

<sup>363</sup> U ke ke ua fumana Ntate Mora a le sieo. U ke ke ua fumana Ntate kapa Mora Moea o Halalelang a le sieo. Hantle. Empa o . . . 'Me metsi, Mali, le Moea, lielementse tseo lia hlokoia ho kena 'Meleng oa Hae.

<sup>364</sup> Nakong ea tsoalo ea tlhaho, ntho ea pele e etsahalang ha mosali a beleha lesea ke efe? Ntho ea pele, ke metsi. Ntho ea bobeli, ke mali. Ke hantle? Ntho e latelang, ke moea. Lesea le kha moea oa lona, le qalella ho phefumoloha. Metsi, mali, le moea, tseo li hlomahanya tsoalo ea tlhaho.

<sup>365</sup> Hape, Tsoalo ea moea. Kolobetso ea metsi ka Lebitso la Jesu Kreste; tokafatso ka tumelo, ho lumela ho Morena Jesu Kreste. Metsi! Ho latela'ng? Mali; khalaletso, ho hloekisa, ho e ntsetsa kantle.

<sup>366</sup> Ke hona moo lona batho ba Nazarene le hlolehileng; le tsamaile bohole bo bokalo feela 'me la se ke la tsoela pele. Lefiso le halaletsoang aletareng, le mothating oa ho sebelisoa, empa ha le a kena t'sebetsong. "Ho lehlohonolo bao," thuto ea mahlohonolo, "ba lapileng le ba nyoretsoeng ho loka, hobane ba tla khorisoa." Lefiso le a halaletsoa. Ke 'nete.

<sup>367</sup> Ho joaloka moroetsana. Lentsoe *moroetsana* le bolela "e hloekileng, e halalelang, e se nang sekoli, e hlatsoitsoeng." Ba bahlano ba ne ba ena le oli, 'me ba bahlano ba se na eona; ba bahlano ba tlatsitsoe, 'me e mong a ituletse khalaletsong. "Na le amohetse Moea o Halalelang *esale* le lumetse," lona Mabaptise, Mapresbeteriene?

"Ha re tsebe hore Moea o Halalelang o teng."

"Ebe, le kolobelitsoe joang?" Uh-huh.

<sup>368</sup> Hoba a ba bee matsoho, eaba ke hona, hoba ba bolokehe 'me ba hlatsuoe, ba tlatsoa ka Moea o Halalelang. Hantle.

<sup>369</sup> Metsi, Mali, Moea! Jesu o tlie ho hlatsoa le ho hloekisa, le ho halaletsa Kereke, hore A tle a tl'o phela kahare. Ka Mali a Hae ka Sebele; O nehelane ka Mali a Hae a tsoetsoeng-se-Molimo, hore A tle a re hloekise tsoalong ea rôna ea thobalano, le ho re fa lefiso le hlatsoitsoeng, le halalelang e le hore Eèna ka Boeèna a tle a fihle.

<sup>370</sup> "Ho se ho se hokae, 'me lefatše ha le sa tla Mpona; empa lona le tla Mpona hobane 'Na," leemeli la motho, "ho ba le lona, le ka ho lona, ho isa bofelong." Amen. "Tseleng eohle, Ke tla ba le lona le ka ho lona. Mesebetsi eo Ke e etsang le tla e etsa le lona. Mehlolo ena e tla tsamaea le ba lumelang." Molimo kahara Kereke! Oh, khili! Bomolimo! "Ho le tse tharo tse pakang Leholidmong: Ntate, Lentsoe (Mora), Moea o Halalelang. Tseo ke ntho e le 'Ngoe."

<sup>371</sup> Joale, u ka bolokeha u sa halaletsoa. U ka halaletsoa u se na Moea o Halalelang; hantle, moea o halalelitsoeng, u sa tlatsoa. Ho halaletsa pelō ea hao, ho hloekisa pelō ea hao, e sa tlatsoe ka ho hong. Ke seo E se buileng, “Moea o litšila ha o tsoile mothong, o tsamaea lithoteng tse ommeng. O a khutla, o fumane ntlu ea oona e hlekiloe, ‘me o kene. Litaba tsa ho qetela tsa motho eo li mpefala makhetlo, makhetlo a supileng, ho feta khetlong la pele.”

<sup>372</sup> Ke se hlahetseng lona Pilgrim Holiness, Manazarene, le ba joalo. Le ile la amohela. ‘Me eitseha Moea o Halalelang o fihla, ho qalella ho bua ka lipuo, le ho etsa lipontšo le meeka, la na la e bitsa “liabolosi” ‘me la nyefola mesebetsi ea Molimo, ‘me la O bitsa “ntho e sa hloekang.” ‘Me na le bona moo kereke ea lona e ileng teng? Tsoang ho eona. Hora e tlide, Tšenolo ea Jesu Kreste e ntse e rutoa, Molimo o senotsoeng ka matla a liponahatso tsa Hae tsa Moea o Halalelang. Amen. Letsatsi la Topollo le haufi.

<sup>373</sup> Joale, Bomolimo ka ho Eèna, Timothea oa Pele 3:16.

...ruri sephiri sa borapeli se seholo: hoba Molimo o bonahetse nameng, ...bonoe ke mangeloi, ...lumetsoe lefatšeng, o phahamiselitsoe khanyeng.

<sup>374</sup> Oh, feela joalo le joalo le joalo. Empa joale re ho kae? Qetellong ea temana ea 8.

<sup>375</sup> Bosiung bona re qala e—e temaneng ea 9, *Pono Ea Patmose*. Oh, re boloketsoe lintho tse kholo. Le a Mo rata? [Phutheho e re, “Amen.”—Mong.]

Ke a Mo rata, ke a Mo rata  
Hoba A nthatile pele  
Le ho lefella pholoho ea ka  
Sefateng sa Kalvari.

<sup>376</sup> U hlile u etsa hoo? Na Molimo o Itsebisitse uena, ho senoloa hore Ke Mora Molimo, Jesu Kreste, Molimo o bonahetseng nameng, ho tlosa sebe? O Itšenola matsatsing ana a qetelo kahara likereke tsa Hae, ho Itsebisa.

<sup>377</sup> Joale, tsona lintho tsena tse etsahalang kahara Kereke, sheba ‘me u bone, pheletsong ea Molaetsa oona, hore na Bibele ha e tlalehe lintho tsena li tla etsahala, ka nèpahalo feela. Ho bona haeba ha e a hlaha ka nèpahalo, Mongoaheng oa Efese, le oa Pergame, Thiatira, ho theoha joalo, mongoaha o mong le o mong.

<sup>378</sup> Ha boletsoe kamoo Luthere a tla sebetsa kateng, le Wesley kamoo a tla sebetsa kateng. Le kamoo bolumeli bona ba Pentekosta bo tla kena Laodisea, maemong a fofo, empa, har'a hoo, O tla ntša batho. Hantle. Ka nèpo. Re pheletsong. Oh, ke thabile haholo! ‘Me, oh, joalekaha ke ipone ke sutha, le ho sheba metsoalle ea ka le lintho, le ho bona lefatše le e—le molubalube oo le keneng ho oona. Le ho nahana ka ho Khutla ha Morena ho atamelang hakana. Re pheletsong ea mongoaha.

<sup>379</sup> Lipelō tsa banna li emisoa ke tšabo. Hohle, mang le mang, ke tšabo radiong, ka linako tsohle, "Itokisetseng phutuhelo ea moeeng. Kenyang *sena*, le kenyé *sane*, 'me le theohele mokatong o katlase." Le ka hla la ipatela eona joang? Le ke ke la ipatela hoo. Be, ntho eo e khona ho nyamela maoto a lekholo le mashome a mahlano mobung, lisekoere tsa limaele, tse lekholo le mashome a mahlano. Khele, sekhhahla sa eona se ne se ka... Ha e ka otla mona, e ka reketlisa Indianapolis ea heleha. Khele, e ka phatlola Indianapolis likotoana, ho otla hantle mona Louisville, ua bona, e 'ngoe ea lintho tseo. Ho thata ho bolela na ba tšoereng ntle le moo.

<sup>380</sup> 'Me, shebang, ha le a tlameha. Lea tseba, ha e a tlameha ho etsoa ke Rashiya. Cuba e ka khona. Tulonyana efe e sa tsebisahaleng, e—e tulonyana e kaale ka Alcatraz kantle mono, e ka khona, ea khurumetsa lefatše lohle. U loketse feela ho e tsepamisa mocheng le ho hula khoele e le 'ngoe. Ha u hloke lebotho. U hloka lehlanya le le leng feela ho e etsa, le matsohong a liabolosi. Ke hantle haholo. A ka e etsa, 'me ebe hohle ho felile. Ho tla be ho felile he.

<sup>381</sup> Empa, oh, e reng ke le hlahisetse nthoana e bokoang ena. Ha re e bona e atametse hakana, ha re e bona e ka hlaha le pele ho hosasa. Hopolang, Kereke e ea hae pele hoo ho etsahala. Hloibilo e hlaha pele.

<sup>382</sup> Joale, hore le se rarahane, hopolang, Jesu o itse, "Joalokaha ho etsahetse ka matsatsi a Nooe, joaloka matsatsing a Lota." Hopolang, le pele pula e na, Nooe keha a kene arekeng. Ua bona? Nooe o ne a le kahara areka. O ile a tselisoa, ho fetisoa mona. 'Me joale, Nooe e ne e le papiso ea Mojuda. Empa Henoke a ea hae a sa shoa. 'Me eitseha Nooe a bona Henoke a tsamaea, a tseba hobane nako e fihlile, ea ho qala ho aha areka. Hantle. E ne e le pontšo ea Nooe eo, mohla Henoke a ne a ea hae. 'Me hang feela ha Kereke ea Balichaba e tlosoa, ke moo A Itsebisang Iseraele. Ua bona? Ke hantle.

<sup>383</sup> Hopolang, matsatsing a Lota, joalekaha Jesu a boletse, le pele hlase ea mollo e tlabola lefatše, Lengeloi leo le itse, "Akofa. Potlaka. Tsoa mona, hoba Ke sitoa ho etsa letho u eso fihle mono." Le pele mollo o theoha, Lota le ba lelapa la hae keha ba tsoile 'me ba tsamaile. Ka hona, Hloibilo e tla fihla pele Matšoenyeho a kena.

<sup>384</sup> Matšoenyeho, batho ba bangata ba lubakana. Re tlil'o e otlolla, vekeng ena, ha Morena a ratile, ka thuso ea Morena. Hopolang, le lebeletse Lekhathe la Matšoenyeho a maholo, athe mono e ne e le, ha u ka e bapisa ka Bibeleng, e ne e le mehla ea Tlokotsi ea Jakobo, ua bona, mohla a ne a le mahlomoleng. Taba eo e ne e sa amane le Balichaba. Molichaba ha a amane le eona ka letho. Papiso e joalo ka Bibeleng ha e fumanoe. Kereke ea Molichaba e Hloibitsoe.

<sup>385</sup> 'Me le shebeletse ha "metsi a fetoha mali," le lintho tse kang tseo. Hoo ho hlaha ho khutlela ho Iseraele, morao koo ka Moshe le Elia, mohla ba khutlang. Elia, khetlo la bone, o a khutla, ka Moea. Ha ho le a mong oa bona ea shoeleng.

<sup>386</sup> Kapa, eo . . . Moshe o shoele; ha ba tseba moo ba mo patileng. E ne e ka khona a tsohe kae-kae lipakeng tsa lekhathé leo le moo, hobane, Thabeng ea Phetholelo, ke eo moo, a buisana le Jesu. O e entse ha ke re? [Phutheho e re, "Amen."—Mong.] Ua bona?

<sup>387</sup> Ka baka leo ba tla khutla 'me ba bolaoe, 'me ba rapalle seterateng se bitsoang "Sodoma," ka puo ea moea e leng moo Morena oa rōna a thakhisitoeng teng, Jerusalema. Ba tla rereboa Bajuda, 'me ba otle lefatše, 'me ba thibe maholimo, le joalo-joalo. 'Me bofelo ba tšebeletso ea Molichaba bo tla tsethema 'me bo holehane le hoo, 'me Balichaba ba tla ea hae, 'me tšebeletso eo e tla tsoelapele. Lintho tsohle li tla oeloa ke koluo. Karolo ea boraro ea lefatše e tla hohlomèla, le sohle se sele. Mohla litopo tse tse shoeleng li ne li rapaletse literateng, matsatsi a mararo, shebang na e ne e le ntho ea mofuta mong.

<sup>388</sup> Shebang ke fumane linepe tsena tse tsoang tlase Amerika Boroa, mohla ba ne ba bolaea moromuo eo oa Mopentekosta mono, mosali oa hae, ba robetse seterateng, e le eèna le bana ba hae ba babeli. Ngoanana e monyenyan, 'me mpanyana ea hae e bululohile *joalo*. Ba sa batle le ho ba pata. Ho tsamaea mono, ba ba tšoela ka mathe joalo, matsatsi a mararo kapa a mane. Ke Moena Kopp ea katlalitseng senepe seo. Ke na le tsona hae, ua bona, kamoo ba sebetsang kateng.

<sup>389</sup> Eaba ba romellana, limpho. Shebang kamoo taba eo e bapisang kahara Bibele, na le bona kereke e tla etsa hoo. Ke hantle, e haufi hantle, 'me e nyoloha hantle joaleka noha hona joale, e mano hona, pontšo ea lintho hona joale.

<sup>390</sup> Shebang seporofeto seo Morena a mphileng sona ka '33, kamoo e tla etsahala, "Ba tla lumella basali ho vouta. Ka ho vouta, ba tla khetha motho ea phoso." Ha ntšoa lintho tse supileng, 'me tse hlano tsa tsona li se li hlahile. Ntho e latelang e le mosali e moholo, kereke, matla kapa ntho e 'ngoe, a tla laola Linaha tse Kopaneng tsena, ho busa. Eaba ke e bona eka melora feela, e robetse, moo e fihlang pheletsong. E ne e le nako ea qetelo.

<sup>391</sup> Ea re, "Ba tla bopa machini o ka khannang. Ha ba lokela ho kenya mokhanni kahara oona." Ba sa tsoa o phethahatsa. E boletse, lilemo tse leshome le motso o le mong . . .

<sup>392</sup> Moea o Halalelang oa mpolella. Ke eo pampiring. Le ke ke . . . E ke ke ea latoloa. Ke eo pampiring, kamoo Moea o Halalelang o boletseng.

<sup>393</sup> Lilemo tse leshome le motso o le mong pele Lerako la Maginot le hahuoa, ka re, "Majeremane . . . Amerika feela e

tlā... Mopresidente Roosevelt e tla ba molotsana oa bona kaofela." 'Me ke hantle. E ne e le eèna.

<sup>394</sup> Ha se ho thonkha maikutlo a lona Mademokrate, empa ke-kea le bolella. Hase Modemokrate kapa Morephaboliki joale. Ke Jesu Kreste, Mora Molimo, eo re buang ka eèna. Ha ke Modemokrate leha e le Morephaboliki. Ke Mokreste. Ka hona he, bao, sohle seo e neng e le sona, empa mono le a lemoha.

<sup>395</sup> 'Me le shebe mona, tsatsi le leng, ha le batla ho bona na sekhakhatha seo se bolile ha kae. Ho nka mechini eo le ho e hlophisa, moo, enere nako le nako ha u voutela Mongh. Nixon, u ne u tlameha ho voutela thaka le leng lena, ka ho tšoana. Ed-... J. Edgar Hoover o hotolotse mechini eo. Ba e balileng ba bakae? Khele, ehlile, e hlahile lipampiring tsohle, litabeng, ntho e 'ngoe le e 'ngoe. Le bona moo re leng teng?

<sup>396</sup> Ha ho a sala letho le tšepehang ntle le Kreste. Amen. Oh, Buka eo ea khale e bokoang! Ke Eona. Ke Eona feela e u joetsang na u mang, moo u tsoang teng, le moo u eang teng (E, monghali.), ke Buka ena ea khale e bokoang, oh, hoo ho nthatisa Eèna. E joalo ho lona? [Phutheho e re, "Amen."—Mong.]

Tumelo ho Ntate, tumelo ho Mora,  
Tumelo ho Moea o Halalelang, ba bararo bana  
ba Bang;  
Matemonia a tla tlakasela, le ba'libe ba tsohe;  
Tumelo ho Jehova e sisinya sohle.

<sup>397</sup> Amen. Letsatsi le ka pel'a rōna le le kakang, metsoalle! "Tšenolo ea Jesu Kreste eo Molimo a e neileng lengeloi la Hae, a ba a tla e tšoantsëtsa Johanne, e tle e tsejoe Mengoaheng ea Kereke, ntho e boloketsoeng rōna."

<sup>398</sup> Morena a ke a re hlohonolofatse joale, re sa ema ka maoto a rōna. 'Me mang feela ea letsang piano, a ke a re fe lehlasonyana ha a rata, *Inkele Lebitso la Jesu*.

<sup>399</sup> Joale mamelang. Ntle le pelaelo, ba teng, baeti har'a rōna mona ka tabernakeleng hoseng hona. Ke batla hore le tsukutle matsoho a bona. Ho ba mema, ho ea lapeng le lona, le eng hape. 'Me le etse hore bohle ba amohelehe. Ke batla mang le mang a etse bonnête ba ho etsa seo.

<sup>400</sup> 'Me le hopole hobane tšebeletso e tla qala ka hora ea bosupa, bosiung bona. 'Me ka mashome a mararo ka morao ho supa, ke tla be ke bua *Pono E Patmose*. Hosane bosiu, ha Morena a ratile, ke tla be ke bua ka mongoaha oa kereke ea pele, Efese, ea Mongoaha oa Kereke.

<sup>401</sup> Joale re tlil'o bina *Inkele Lebitso La Jesu*, sefela sa tabernakele ea rōna e nyenyane sa ho qhalana. 'Me e mong le e mong a bine joale. Ho lokile.

Inkele Lebitso la Jesu,  
 Ngoana' masoabi le tlokotsi;  
 Le tla u thabisa le u tšelise,  
 Le nke hohle moo u eang teng.

Lebitso le ratehang, oho le monate!  
 Tšepo ea lefatše le thabo ea Leholidō;  
 Lebitso le ratehang, Lebitso le ratehang, oho le  
 monate!  
 Tšepo ea lefatše le thabo ea Leholidō.

<sup>402</sup> Joale pele re bina serapana se latelang, ke batla Mamethodise, Mabaptise, Mapentekosta, Makatolike, Nazarene, Pilgrim Holiness, bohole ba nanabelane, tsukutlana le motho ea ka pela hao ka letsoho, ka thoko ho uena, ka mora hao, ho re, "Moeti oa Mokreste, motoalle, ke thabetse ho ba le uena mona hoseng hona. Ke thabo ho tšoara kopano ea botsoalle le uena, ho pota linthro tsa Molimo. Kea tseba re ile ra natefeloa. Ke tšepa ho boela ke u bona mona hape bosiusing bona." Ntho e kang eo, u sa tsukutlana le batho ka matsoho, ka pele ho uena, ka mora hao, mathokong a hao.

Lebitsong la Jesu ba inama,

Ke tla u bona bosiusing bona, Moena Neville. Ke tla u bona  
 bosiusing bona.

...maotong,  
 Khosi a likhosi, Leholidong, re tla Mo tlotla,  
 Ha 'eto la rōna le felile.

Oh Lebitso le ratehang, oho le monate!  
 Tšepo ea lefatše le thabo ea Leholidō;  
 Lebitso le ratehang, oho le monate!  
 Tšepo ea lefatše le thabo ea Leholidō.

Ho fihlela! re kopana!  
 Maotong a Jesu re kopana; (ho fihlela re  
 kopana,)  
 Ho fihlela! Re kopana!  
 Molimo a u sitse re be re kopane!

Joale re sa inamisa hlooho ea rōna:

Ho fihlela! re kopana!



*TŠENOLO EA JESU KRESTE* SST60-1204M

(The Revelation Of Jesus Christ)

TERO LETOTO TSHENOLo EA JESU KRESTE

Molaetsa wona, ka Moena William Marrion Branham, o rerilwe sethatong ka Senyesemane Sontaha hoseng, Tshitwe 4, 1960 mane Branham Tabernakele, e Jeffersonville, Indiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)